



Քաղաքական, հասարակական, մշակութային թերթ 21 մայիսի 2026թ. թիվ 10 (638)

ԴԱՐՁԱՆՔ 30 ՏԱՐԵԿԱՆ

1996 թվականի մայիսի 10-ին լույս ընծայվեց «Գեղարքունիք» թերթի առաջին համարը:

Այսպես աննկատ գլորվեց 30 տարի, ու 2026 թվականի մայիսի 11-ին տպագրվում է այդ նույն թերթի իրավահաջորդ «Գեղամա աշխարհ» թերթի 637-րդ համարը:

Թերթը հիմնադրվեց շատ դժվարին պայմաններում, Գեղարքունիքի մարզպետարանի հիմնադրմանը զուգահեռ, անցավ շատ փորձությունների միջով, չափից դուրս սուղ միջոցներով ու ստեղծագործական ուժերով, սակայն կարողացավ իր համար հարթել կայացման ու ձեռքբերումների ճանապարհ:

Այդ երեսուն տարիները մեզ համար թափած ջանքերի, բայց եւ փառքի ու հպարտության ծանապարհ են, ոգեշնչման անասելի աղբյուր:

Կարծում եմ, որ մեր թերթը հաջող է կատարել մարզի կենսագրի իր դերն ու առաքելությունը ու այսուհետ էլ կփորձի զարգացնել եւ առաջ տանել եղած ձեռքբերումները:

Շնորհակալություն թերթի հիմնադիր եւ առաջին խմբագիր եւ տնօրեն Յուրա Խաչատրյանին, որ անասելի ջանքերի ու համառության գնով հիմնադրեց ու առաջ տարավ թերթի աշխատանքները:

Շնորհակալություն երկրորդ խմբագիր-տնօրեն Նաիրի Օհանյանին, որ շարունակեց խմբագրու-



յան ընդհատված աշխատանքը հիմնադիր խմբագրի մահվանից հետո:

Շնորհակալություն Գեղարքունիքի բոլոր մարզպետներին, ովքեր մշտապես սատար կանգնեցին թերթի գործունեությանը, շնորհակալություն Գեղարքունիքի մարզի համայնքների ղեկավարներին, դպրոցների, առողջապահական հիմնարկների, այլ հաստատությունների տնօրեններին, ովքեր

բաժանորդագրությամբ ու աջակցությամբ մշտապես ծածկել են թերթի ծախսերի կարիքները:

Շնորհակալություն «Գեղարքունիք»-ի «Գոլդ» ընկերությանը՝ վերջին վեց տարիների ընթացքում մեր թերթին ամեն ամիս հատկացվող ֆինանսական աջակցության համար:

Շնորհակալություն մեր բոլոր ընթերցողներին, ովքեր մշտապես քաջալերել ու ոգեւորել են մեզ:

Շնորհակալություն «Գեղամա աշխարհ» թերթի բոլոր աշխատակիցներին, որոնց ջանքերով թերթը հրատարակվում է արդեն 637 անգամ:

Հուսամ, որ «Գեղամա աշխարհը» դեռ նույնքան ու ավել անգամներ լույս կընծայվի՝ շարունակելով իր հայապահպան ու հայրենապահական առաքելությունը:

Անսահման երջանկությամբ ու հպարտությամբ շնորհավորում եմ բոլորիս «Գեղամա աշխարհ» թերթի գործունեության 30-րդ տարեդարձի կապակցությամբ, քանի որ այն մեր երկրի հոգեւոր ու մնայուն արժեքներից մեկն է դարձել վաղուց:

Ձեռքս գնա, դառնա ի հող, գիրս մնա հիշատակող:

Խոսրով Խլաթյան

ԸՆԹԱՆՈՒՄ Է ՀՀ ԱԺ ՀԵՐԹԱՎԱՆ ԸՆՏՐՈՒԹՅՈՒՆՆԵՐԻ ՔԱՐՈՋԱՐՇԱՎԷՐ

ՀՀ Կենտրոնական ընտրական հանձնաժողովը 2026 թվականի մայիսի 3-ի արտահերթ նիստում իրականացրել է 2026 թվականի հունիսի 7-ի հերթական ԱԺ ընտրությունների մասնակից կուսակցությունների/դաշինքների ընտրական ցուցակների գրանցումը:

ԿԸՀ-ն ներկայացրել է ընտրություններին մասնակցող կուսակցությունների/ դաշինքների հերթականությունը՝ ըստ իրենց լիազոր ներկայացուցիչների կատարած վիճակահանության:

Այսպիսով, 2026 թվականի հունիսի 7-ին կայանալիք ՀՀ ԱԺ ընտրություններին մասնակցելու համար ԿԸՀ-ն գրանցել է 19 քաղաքական ուժի, որոնց օգտին պետք է քվեարկեն ընտրելու իրավունք չունեող Հայաստանի Հանրապետության քաղաքացիները: Գրանցված քաղաքական ուժերի ցուցակը, ըստ հերթականության, որը կազմվել է վիճակահանությամբ, ունի հետևյալ պատկերը:

1. ՌԵՏՈՐՄԻՍՏՆԵՐԻ ԿՈՒՍԱԿՑՈՒԹՅՈՒՆ
2. «ԲՈՒՆՈՒՆ ԴԵՄ ԵՄ» ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹՅՈՒՆ
3. «ՈՒԺԵՂ ՀԱՅԱՍՏԱՆ» ԴԱՇԻՆՔ (կազմում «ՈՒ-

ԺԵՂ ՀԱՅԱՍՏԱՆ» ԿՈՒՍԱԿՑՈՒԹՅՈՒՆ «ՆՈՐ ԴԱՐԱՇԵՐՁԱՆ» ԿՈՒՍԱԿՑՈՒԹՅՈՒՆ, «ՄԻԱՎՈՐՎԱԾ ՀԱՅԵՐ» ԿՈՒՍԱԿՑՈՒԹՅՈՒՆ

4. ՀԱՅԱՍՏԱՆԻ ՇՆՈՐՀԱՊԵՏԱԿԱՆ ԿՈՒՍԱԿՑՈՒԹՅՈՒՆ

5. «ՆՈՐ ՈՒԺ» ՌԵՏՈՐՄԻՍՏԱԿԱՆ ԿՈՒՍԱԿՑՈՒԹՅՈՒՆ

6. «ՄԻԱՍՆՈՒԹՅԱՆ ԹԵՎԵՐ» ԿՈՒՍԱԿՑՈՒԹՅՈՒՆ

7. «ԲԱՐՉԱԿԱՆ ՀԱՅԱՍՏԱՆ» ԿՈՒՍԱԿՑՈՒԹՅՈՒՆ

8. «ԱԶԳԱՅԻՆ ԺՈՂՈՎՐԴԱՎԱՐԱԿԱՆ ԲԵՎԵՐ» ՀԱՄԱՀԱՅԱԿԱՆ ԿՈՒՍԱԿՑՈՒԹՅՈՒՆ

9. ՔՈՉԱՐԻ ԱԶԳԱՅԻՆ ՎԵՐԱԾՆՈՒՆԴ ԵՎ ԱԶԳԻ ԶԱՐԹՈՆՔ ԿՈՒՍԱԿՑՈՒԹՅՈՒՆ

10. ՀԱՅ ԱԶԳԱՅԻՆ ԿՈՆԳՐԵՍ ԿՈՒՍԱԿՑՈՒԹՅՈՒՆ

11. «ՀԱՆՐԱՊԵՏՈՒԹՅՈՒՆ» ԿՈՒՍԱԿՑՈՒԹՅՈՒՆ

12. ՔՐԻՍՏՈՆԵԱ-ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹՅՈՒՆ

13. «ԱԼՅԱՆԱ» ԱՐԱՋԱԴԻՄԱԿԱՆ ՑԵՆՏՐԻՍԱԿԱՆ ԿՈՒՍԱԿՑՈՒԹՅՈՒՆ

14. «ԺՈՂՈՎՐԴԱՎԱՐԱԿԱՆ ՀԱՍՆԻՍԲՈՒՄ» ԿՈՒՍԱԿՑՈՒԹՅՈՒՆ

15. ԴԵՄՈԿՐԱՏԻԱ ՕՐԵՆՔ ԿԱՐԳԱՊԱՅՈՒԹՅՈՒՆ ԿՈՒՍԱԿՑՈՒԹՅՈՒՆ

16. «ՔԱՂԱՔԱՑԻԱԿԱՆ ՊԱՅՄԱՆԱԳԻՐ» ԿՈՒՍԱԿՑՈՒԹՅՈՒՆ

17. ՀԱՅԱՍՏԱՆ ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔ ԿԱԶՄՈՒՄ՝ «ՀԱՅ ՅԵՂԱՓՈԽԱԿԱՆ ԴԱՇԻՆՔՈՒՆ» ԿՈՒՍԱԿՑՈՒԹՅՈՒՆ, «ԱՐԱՋ» ԱԶԱԿԵՆՏՐՈՆ ԿՈՒՍԱԿՑՈՒԹՅՈՒՆ

18. «ՀԱՆՈՒՆ ՀԱՆՐԱՊԵՏՈՒԹՅԱՆ ԺՈՂՈՎՐԴԱՎԱՐՈՒԹՅԱՆ ՊԱՇՏՊԱՆՆԵՐԻ ԴԱՇԻՆՔ» ԿՈՒՍԱԿՑՈՒԹՅՈՒՆ

19. «ԼՈՒՍԱՎՈՐ ՀԱՅԱՍՏԱՆ» ԿՈՒՍԱԿՑՈՒԹՅՈՒՆ

Նախընտրական քարոզչության ժամանակահատվածն է մայիսի 8-ից հունիսի 5-ը ժամը 24:00-ն:

Քաղաքական ուժերն այս օրերին լրատվամիջոցներով, սոցիալական ցանցերով, պաշտոնական կայքէջերով, անձնական համդիպումներով, հանրահավաքներով, այլ միջոցներով իրականացնում են նախընտրական քարոզչությունը:

«Գեղամա աշխարհ»

ՆՈՐԱՏՈՒՄԻ ՍՈՒՐԲ ԳՐԻԳՈՐ ԼՈՒՍԱՎՈՐԻՉ ԵԿԵՂԵՑԻՆ

Նորատուսի պատմամշակութային հուշարձանների շարքում իր ուրույն ու բացառիկ տեղն ունի նաեւ Գրիգոր Լուսավորիչ եկեղեցին: Ըստ Սիմեոն Երեւանցի կաթողիկոսի եկեղեցին կոչվել է Դափուց վանք եւ եղել է կուսանոց: Ըստ արձանագրությունների եւ շինարարական ձեւերի կարելի է այն վերագրել 9-10-րդ դարի կառույցների շարքին:

Հոգեւոր այս կառույցի մասին հիշատակել են Մեսրոպ արքեպիսկոպոս Սմբատյանցը, երվանդ Լալայանը, Սեդրակ Բարխուդարյանը, իսկ նրանց ուսումնասիրությունները լրացրել ու ամբողջացրել է Սուրեն Սաղումյանը:

Այն առավելապես աչքի է ընկնում իր փոքր չափերով, բայց համաչափ, կոկիկ, գեղեցիկ ու երեւելի տեսքով, որն ավելի շատ չափված-ձեւված մանրակերտի է նմանվում:

Դափուց վանքն ունի պարսպափակ



բակ, որտեղ պահպանվել են մաեւ 13-17 դարերի խաչքարեր: Ըստ ուսումնասիրողների՝ վանքը նախկինում եղել է միանավ թաղածածկ բազիլիկ կառույց, որը 10-11-րդ դարերին Խաչատուր ճարտարապետը վերափոխել է գմբեթավոր սրահի: Հյուսիսային եւ հարավային կողմերում ավելացվել են երկու խորաններ, ներքուստ, պատերին կից ավելացվել են որմնամույթեր, եւ տեղադրվել է սրածայր գմբեթ:

Կառույցի պատմության ու ժամակագրության մասին ուսումնասիրողները հետեւություններ են արել հատկապես պատերի ներսում պահպանված վիմագիր արձանագրություններից, որոնց մի մասն ընդամենը կիսատ կամ կցկտուր տեղեկություններ են փոխանցել հետագա սերունդներին:

/շարունակությունը՝ էջ 3-ում/



ՀԱՅԱՍՏԱՆՈՒՄ ՃԱՊՈՆԻԱՅԻ ԴԵՄՊԱՆՆ ՈՒ ՄԱԶԾ ՄՇՏԱԿԱՆ ՆԵՐԿԱՅԱՑՈՒՑԻՉԸ ՃԱՄԱՐԱՎԱԿՈՒՄ ԾԱՆՈԹԱՅԵԼ ԵՆ ՈՌՈԳՄԱՆ ԶՐԱՄԲԱՐԻ ԿԱՌՈՒՑՄԱՆ ԾՐԱԳԻՐ ԱՐԴՅՈՒՆՔՆԵՐԻՆ

Հայաստանում ճապոնիայի դեսպանի եւ ՄԱԶԾ ներկայացուցչի այցի առաջին կանգառը եղել է Գեղարքունիքի մարզի ճամբարակ համայնքում, որտեղ նախորդ տարի ՄԱԶԾ «Աջակցություն Լեռնային Ղարաբաղից տեղահանվածներին եւ Հայաստանի հյուրընկալող համայնքներին հիմնական ենթակառուցվածքների վերականգնման եւ սոցիալական ինտեգրման միջոցով» ծրագրի շրջանակում կառուցվել է 11 հազար խորանարդ մետր օգտակար ծավալով օրվա կարգավորվող ջրամբար (ՕԿՋ): Այցին մասնակցել են նաեւ Գեղարքունիքի մարզպետի տեղակալ Ջանիկ Բազեյանը, ՏԿԵՆ Ջրային կոմիտեի նախագահի տեղակալ Նվարդ Վարդանյանը, ՀՀ տարածքային կառավարման եւ ենթակառուցվածքների նախարարության խորհրդական Աշոտ Գիլոյանը, ճամբարակ համայնքի ղեկավարի առաջին տեղակալ Ռոբերտ Օհանյանը:

Անկեղծվում է, որ ջրամբարը զգալիորեն կբարելավի ոռոգման ջրի հա-



սանելիությունը՝ հնարավորություն տալով վերականգնել ոռոգումը մինչեւ 200 հեկտար չորոգվող վարելահողերում եւ ապահովել մինչեւ 200 տնտեսությունների շահառություն: ՄԱԶԾ-ի կողմից ջրամբարի կառուցումից հետո, ճամբարակ համայնքը ներդրում է կատարել ՕԿՋ-ին կից 4,424 մետր երկարությամբ ոռոգման ջրի բաշխման համակարգի կառուցման մեջ:

Հյուրերը ծանոթացել են նաեւ փախստականներ ընդունող համայնքներում էներգետիկ դիմակայության բարձրացման նպատակով, հիմնական հանրային հաստատություններում, տեղադրված հիբրիդ արեւային համակարգերին: 5 կվտ հզորությամբ համակարգերը ստացիոնար են, իսկ 2 կվտ հզորությամբ համակարգերը՝ շարժական եւ հեշտ տեղակայվող: Նախատեսված լինե-

լով ինչպես ցանցին միացված, այնպես էլ ինքնավար աշխատանքային ռեժիմների համար՝ այս համակարգերն ապահովում են կենսական ծառայությունների անխափան մատուցում էլեկտրաէներգիայի անջատումների ընթացքում:

Գեղարքունիքի մարզում ընդհանուր առմամբ տեղադրվել է ինը համակարգ (չորս՝ 2 կվտ եւ հինգ՝ 5 կվտ), որոնցից ութը սպասարկում են ճամբարակ համայնքը՝ համայնքապետարանի շենքը (5կվտ), 73 մանկապարտեզը (5 կվտ), բժշկական կենտրոնը (5 կվտ), տեղական փրկարար ծառայության ջոկատը (5կվտ եւ 2կվտ), ինչպես նաեւ ճամբարակի ամառային արտավայրերը (3 միավոր 2կվտ):

Այնուհետ Հայաստանում ճապոնիայի դեսպան Յուտակա Աոկին եւ Հայաստանում ՄԱԶԾ մշտական ներկայացուցիչ Նաթիա Նազվիշվիլին մեկնել են Կոտայքի մարզ այնտեղ իրենց կողմից ներդրված ծրագրերին ծանոթանալու նպատակով:

«Գեղամա աշխարհ»

ԳԵՂՆՈՎԻՏՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ԵՎ ԿԵՆՍԱԿԱՆ ՆՇԱՆԱԿՈՒԹՅԱՆ 33 ԾՐԱԳԻՐ Է ԻՐԱԿԱՆԱՑՎԵԼ



Գեղարքունիքի մարզի Մարտունի համայնքի Գեղիովիտ գյուղում սուբվենցիոն եւ պետական

տարբեր ծրագրերով 2018-2025 թվականներին սոցիալ-տնտեսական եւ կենսական նշանակության 33 ծրագիր է իրականացվել, որոնց ուղղությամբ կատարված կապիտալ ներդրումների ընդհանուր գումարը կազմում է 5 միլիարդ 108 միլիոն 592 հազար դրամ: Ներդրված 29 սուբվենցիոն ծրագրերի ընդհանուր արժեքը կազմում է 1 միլիարդ 402 միլիոն 592 հազար դրամ, պետական 4 ծրագրերի ընդհանուր արժեքը՝ 3 միլիարդ 706 միլիոն 388 հազար դրամ: Կատարված ներդրումների եւ իրականացված ծրագրերի արդյունքում 2018-2025 թվականների ընթացքում Գեղիովիտում կառուցվել է 50 կիլոմետր խմելու, 14 կիլոմետր 856 մետր ոռոգման ջրատարներ, 29 կիլոմետր 910 մետր արտաքին լուսավորության ցանց, հիմնանորոգվել ներհամայնքային ու միջպետական նշանակության 19 կիլոմետր 100 մետր ճանապարհ, շուրջ 6 հազար քառակուսի մետր մայթեր:

Պետական ծրագրերով կառուցման ընթացքի մեջ են գտնվում Գեղիովիտի թիվ 2 միջնակարգ եւ Լեռնակերտի հիմնական դպրոցների շինարարական աշխատանքները, որոնց մեկնարկը տրվել է

2021-2022 թվականների ընթացքում: Գեղիովիտի թիվ 2 միջնակարգ դպրոցի շինարարությունը նախատեսվում է ավարտել 2026 թվականի նոյեմբերին, Լեռնակերտի հիմնական դպրոցի շինարարությունը՝ 2026 թվականի հուլիս ամսին:

Գեղիովիտի թիվ 2 միջնակարգ դպրոցի կառուցման ծրագրի պայմանագրային արժեքը կազմում է 1 միլիարդ 276 միլիոն 690 հազար դրամ, Լեռնակերտի հիմնական դպրոցի կառուցման ծրագրի պայմանագրային արժեքը՝ 739 միլիոն 698 հազար դրամ:

Պետբյուջեի միջոցների հաշվին հիմնանորոգվել է Մարտունի-Գետափ միջպետական նշանակության ճանապարհի 14 կիլոմետրանոց հատվածը 2022-2024 թվականների ընթացքում, որից 8 կիլոմետրն անցնում է Գեղիովիտ գյուղի միջով ու Լեռնակերտ բնակավայր տանող հատվածով: Կատարված ներդրումը կազմում է շուրջ 1,2 միլիարդ դրամ:

Պետական մեկ այլ ծրագրով էլ, 490 միլիոն դրամ արժեքով, արդիականացվել է Գեղիովիտի խմելու ջրի մատակարարման համակարգը:

«Գեղամա աշխարհ»

ԳՎԱԿՈ ՔԱՂԱՔՈՒՄ 2018-2025 ԹՎԱԿԱՆԻՆ ՍՈՑԻԱԼ-ՏՆՏԵՍԱԿԱՆ ՈՒ ԿԵՆՍԱԿԱՆ ՆՇԱՆԱԿՈՒԹՅԱՆ 38 ԾՐԱԳԻՐ Է ԻՐԱԿԱՆԱՑՎԵԼ

2018-2025 թվականներին Գեղարքունիքի մարզկենտրոն Գավառ քաղաքում ՀՀ կառավարության կողմից իրականացվող սուբվենցիոն ու պետական այլ ծրագրերով իրականացվել է սոցիալ-տնտեսական ու կենսական նշանակության 38 ծրագիր, որոնց արդյունքում կատարված կապիտալ ներդրումները կազմել են 9 միլիարդ 429 միլիոն 969 հազար դրամ:

Ինչպես տեղեկացրին Գավառի համայնքապետարանի աշխատակազմից, իրականացված ծրագրերից 28-ը սուբվենցիոն են, որոնց ուղղությամբ կատարված ներդրումները կազմում են 3 միլիարդ 205 միլիոն դրամ: Պետական ծրագրերով իրականացված աշխատանքների ընդհանուր արժեքը կազմում է 5 միլիարդ 331 միլիոն 134 հազար դրամ:

Իրականացված աշխատանքների արդյունքում 2018-2025 թվականների ընթացքում Գավառ քաղաքում կառուցվել է 25 հազար 740 մետր արտաքին լուսավորության ցանց, 18 հազար 937 գծամետր ճանապարհ, 21 հազար 835 մետր ասֆալտապատ ու սալիկապատ մայթեր, 7053 մետր արտաքին, 4616 մետր ներքին ջրահեռացման համակարգեր, 292,5 խորանարդ մետր ծավալով գաբիոնային հենապատ, կենտրոնական հարապարակի շատրվանային համակարգ, պուրակներ եւ խաղահրապարակներ, հացառատ թաղամասի կոյուղագիծը, հիմնանորոգվել են Գավառի համայնքա-

պետարանի, թիվ 7, 8 մանկապարտեզների, մշակույթի տան, գեղարվեստի դպրոցի շենքերը, բազմաբնակարան 4 շենքերի տանիքներ, տեղադրվել Գավառի պատմամշակութային արժեքների գովադային վահանակներ կրող 8 ավտոկանգառ:

Պետական ծրագրերի շրջանակներում հիմքից կառուցվել ու 2021 թվականից շահագործման է հանձնվել Գավառի Պ. Ղանդիլյանի անվան թիվ 2 միջնակարգ դպրոցի շենքը, որը վերազինված է արդի չափորոշիչներին համապատասխան բոլոր պայմաններով:

Գավառ-Գեղարքունիք ավտոճանապարհի շինարարության պետական ծրագրով հիմնանորոգվել է Գավառ քաղաքով անցնող 2,6 կիլոմետրանոց ճանապարհահատվածը:

2023 թվականի դեկտեմբերից պետական ծրագրով սկսվել են ընթանում են Գավառի գյուղատնտեսական քոլեջի նոր շենքի կառուցման աշխատանքները՝ 1 միլիարդ 307 միլիոն 531 հազար դրամ արժեքով: Շինարարությունը նախատեսվում է ավարտի հասցնել 2026 թվականի դեկտեմբերին:

ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում 2025 թվականից սկսվել են ընթանում են Գավառի թիվ 5 հիմնական դպրոցի կառուցման աշխատանքները՝ 2 միլիարդ 319 միլիոն 855 դրամ արժեքով, եւ Գավառի թիվ 4 հիմնական դպրոցի վերանորոգման աշխատանքները՝ 271 միլիոն 980



հազար դրամ արժեքով: Գավառի թիվ 4 հիմնական դպրոցի շինարարական աշխատանքները նախատեսվում է ավարտել 2026, թիվ 5 հիմնական դպրոցի շինարարական աշխատանքները՝ 2027 թվականի ընթացքում:

«Գեղամա աշխարհ»

ՄԱԴԻՆԱ ԳՅՈՒՂՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ԵՎ ԿԵՆՍԱԿԱՆ ՆՇԱՆԱԿՈՒԹՅԱՆ 16 ԾՐԱԳԻՐ Է ԻՐԱԿԱՆԱՑՎԵԼ

Գեղարքունիքի մարզի Մարտունի համայնքի Մադինա գյուղում 2018-2025 թվականներին սուբվենցիոն ու պետական այլ ծրագրերով սոցիալ-տնտեսական եւ կենսական նշանակության 16 ծրագիր է իրականացվել, որոնց ուղղությամբ կատարված կապիտալ ներդրումների չափը կազմել է 2 միլիարդ 654 միլիոն 195 հազար դրամ:

Ներդրված ծրագրերից 15-ը սուբվենցիոն են՝ 659 միլիոն 274 հազար 773 դրամ ընդհանուր արժեքով, եւ 1-ը՝ պետական՝ 1 միլիարդ 994 միլիոն 921 հազար դրամ արժեքով: Ներդրված ծրագրերի իրականացման արդյունքում Մադինայում 2018-2025 թվականների ընթացքում կառուցվել է 2676 մետր խմելու, 9907 մետր ոռոգման ջրատարներ, 7200 մետր արտաքին լուսավորության



ցանց եւ կրթահամալիրի շենք, հիմնանորոգվել 2539 գծամետր երկարության ներհամայնքային նշանակության ճանապարհ:

Մադինայի կրթահամալիրը կառուցվում է ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում, 1 միլիարդ 994 միլիոն 921 հազար դրամ պայմանագրային արժեքով:

Կրթահամալիրի կառուցման աշխատանքները մեկնարկել են 2024 թվականի դեկտեմբերին եւ կավարտվեն 2026 թվականի հոկտեմբերին:

«Գեղամա աշխարհ»

ՆՈՐԱՏՈՒՄԻ ՍՈՒՐԲԵ ԳՐԻԳՈՐ ԼՈՒՍԱՎՈՐԻՉ ԵԿԵՂԵՑԻՆ

/սկիզբը՝ էջ 1-ում/

Անվանի հնագետ Սուրեն Սաղունյանի կարծիքով շուրջ 7-րդ դարի ընթացքում կառուցված ու հետագա դարերի ընթացքում ավերված Գրիգոր Լուսավորիչ եկեղեցին առաջին անգամ նորոգվել է Իվանե Չաքարյան իշխանի տիրապետության ընթացքում: Դա վերաբերում է հին, միանավ սրահին:

«Ըստ այդմ, ոմն Տրուպ վարդապետ, «հալալ ընչից եւ ի ստացվածոց յուր շինում է գավերեալ եկեղեցիս վանուցս Նորատվաց»: Հավանաբար, Նորատուսի հոգեւոր շինությունները վնասվել էին երկրաշարժից ու նորոգվել անվանի հոգեւոր առաջնորդի կողմից, որին կամակից ու օգնական է եղել Մխիթար դեմեթարը: Այս միջամտությունը տեղի է ունեցել 1213-1227 թվականների միջակայքում, ավելին չի պարզվում: Իսկ ահա եկեղեցու ներսի 1344 թվականի վիմագիրը տեղեկացնում է, որ ի պարոնության իշխանին Հայոց Բուրթելին, Աստօն մեղուցեալ ծառա Ավագը զորավիգ է եղել վանքի շինությանը: Ամենայն հավանականությամբ, Նորատուսի Գրիգոր Լուսավորիչ եկեղեցին սասանվել է 1319-1320 թվականների երկրաշարժից, որը հսկայական ավերածություններ է գործել Գեղարքունյաց գավառում, այն աստիճան, որ Դափուց վանքը վերաշինվել է նորովի՝ միանավ սրահը վերափոխելով կենտրոնագմբեթ հորինվածքի: Դա հմտորեն է իրագործել հաչատուր քարագործը՝ ճարտագիտագական ու ճարտարապետական խորությամբ: Փոքրածավալ սրահի ներքին պատերին արեւմուտքից հավել են որմնամույթեր, բեմի կամարին՝ մի երկրորդ կամարահեմարան, որոնց կցվածքներում գոյացած առագաստները համակցող հենարանների վրա բարձրացել է վերապագ թմբուկը: Անսովոր այս կազմվածքի ստեղծման հարկադրանքով վերծիգ զմբեթը հյուսիսից ու հարավից նստել է անմիջապես կողապատերին՝ կազմելով նրանց ուղիղ շարունակությունը՝ առանց լանջերի ու տամբաների: Իսկ արեւելյան անկյուններում, արագիլի բացառա թեւերի պես, հավել են միաթեք ծածկով ցածրադիր խորաններ», - եզրակացնում է Սուրեն Սաղունյանը:

Դափուց վանքի մուտքի կամարի վերելում պահպանված արձանագրությունը, որն արդեն կատարվել է 20-րդ դարի սկզբում, ազդարարում է, որ կառույցը վերանորոգվել է նաեւ 19-րդ դարի վերջին՝ եւ 20-րդ դարի սկզբին, նորբայագեացի Գրիգոր Ավույանի ջանքերով: Այդ ընթացքում աշխատանքներին օժանդակել են նաեւ Գրիգորը Ավետիսովը եւ 90 տարեկան Սեդրակ Նորատունքցին: Վանքի ամբողջական ու վերջին նորոգումը կատարվել է 1984 թվականին, Հայաստանի Հուշարձանների պահպանության վարչության ուժերով:

Վերջին նորոգությունների ընթացքում կառույցը ծավալապաշտական փոփոխություն չի կրել:

Սուրբ Գրիգոր Լուսավորիչը կամ Դափուց վանքը եղել է ճգնակյացների մենաստան-անապատ՝ շրջափակված պարսպով ու կացարաններով: Ինչպես նշել է Հովհաննես Շահխաթունյանը՝ Դափուց վանքը եղել է բնակավայրից դուրս, գյուղի հարավային կողմում, անդաստանի մեջ ու ծառայել է որպես կույսերի մենաստան: Նման տեղեկություն հաղորդել է նաեւ Մեսրոպ արքեպիսկոպոս Սմբատյանը:

Վիմագիր արձանագրությունները փաստում են, որ Դափուց վանքն իր ակտիվ գործունեությունը ծավալել է 10-16-րդ դարերի ընթացքում: Այն գործել է մինչև 1920-ական թվականները:

Այժմ ներկայացնենք Դափուց վանքի ներսի պատերին պահպանված վիմագրությունները, որոնք վերծանվել են Սեդրակ Բարխուդարյանի կողմից:

Եկեղեցու արեւմտյան պատի հարավային մասում անկյանոն տողերով են գրչությամբ գրված է 4 տող.

«ՆՈՐԴԻՎ ԱՍՏՈՆ ԿԱՍ ԵՂԵՎ ԻՆՉ ԴԵՐԱՎԻԴ ԶԱՎՆՈՒՆՈՒ ԵՎ ԵՏՈՒ ԶՅՈՐՈՂԱՆՍ : Բ: ԱՐՏ ՍՈՒՐԲ ԳՐԻԳՈՐ ՀՐԱՄԱՆԱԳ ԱՊԱՎ ԶԱՅՆՇԱՅԻ ԵՎ ՂԵՑԻ ԶՐ...»: Ըստ ուսումնասիրողների՝ արձանագրությունը մնացել է կիսատ կամ անավարտ:

Ըստ Սեդրակ Բարխուդարյանի այս արձանագրությունը համարվում է 10-րդ դարի գործ, քանի որ, բացի այստեղ հիշատակված Գագիկ Շահնշահի անունից, Գավառ քաղաքում պահպանված է 1000 թվականով թվագրված մի արձանագրություն, որտեղ դարձյալ հիշատակված է նույն Հերակլի անունը:



Եկեղեցու բեմի կորուսյան հարավային մասում ագուցված խաչքարի վրա պատկերված խաչի շուրջ գրված է. «ԽԱՄԱՍՈՒՐ ԶԱՐԱԳՈՐԾ. ՅԻՇԱ»: Ըստ Բարխուդարյանի խաչքարի տեղադրման, խաչի եւ գրերի հնաձեւության, եւ շենքի բազիլիկ ձեւից զմբեթավորի վերակառուցելու ժամանակի հիման վրա այն համարվում է 10-րդ դարի վերջի կամ 11-րդ դարի սկզբի գործ ու վերակառուցման ճարտարապետի հիշատակագրություն:

Եկեղեցու հարավային պատի վերին մասում, քիվի տակ, արտաքուստ 4 տող է արձանագրված. «Ի ԹԱՎԱՐՈՒԹՅԱՆՆ ՎՐԱՏ ԹԱՄԱՐԻ: ԵՎ ԻՆՔԱՎԱՍ ՏԵՐՈՒԹԵԱՆ ԻՎԱՆԻ ԵՎ ԶԱՅՆՇԱՅԻ, Ի ՀԱՅՐԱՊԵՏՈՒԹԵԱՆ ՏԵՐ ՎՐԹԱՆԻՍԻ ԱՅՈՈՂԱՎԱՍ ՄԵԾ ԳԵՂԻՍ ԵՍ ՏՐՈՒՊ ՎԱՐԴԱՊԵՏ ՇԻՆԵՑԻ ԶԱՎԵՐԵԱՍ ԵՎԵԴԵՑԻՍ ՎԱՆԱՍ ՆՈՐԱՏՎԱՅ Ի ՀԱՆԱՍ ԸՆՉԻՑ ԵՎ Ի ՍԱՏՎԱԾՈՑ ԻՍՈՑ ՍԱՎԱԵՎ ՀԱՍՏԱՏԵՑԻ ՀՈԳՈՅ ԻՍՈՅ ԱՆՉԻՆՉ...ԵՎ ԿԱՐԳԵՑԻ ԻՆՉ ԵՂԱՐԱՐԱՍ ՀԱՆՂԵՐՉ Ի ՏԱՐԻՆ : Ե: ՊԱՍԱՐԱԳ ԶԱՐԱՐՈՒԹԵԱՆ ՇԱՐԱԹՆ : ՈՐ ԱՆՆԵՆ ՕՐՀՆԻՆ ՀԱՍՏՈՒԾ ԽԱՓԱՆՈՂԵՆ ...ԱՄԱՆ ՍԻՆ ԱՆՈՒԻ... ԿԱՍԱՐԻՉԶ ՀՐԱՄԱՆԱՑ ՄԵՐՈՑ ՕՐՀՆԵՑԻՆ Ի ՏԵՐ ԱՍՏՈՒԾՈՅ. ԱՄԵՆ»:

Բարխուդարյանի կարծիքով՝ այն պետք է գրված լինի 13-րդ դարի սկզբներին, երբ դեռ կենդանի էր Իվանե Չաքարյանը, իսկ Շահնշահը՝ հասուն գործիչ:

Եկեղեցու արեւմտյան պատի հյուսիսային մասում, ներքուստ, մուտքի անկյունից, 6 տող. «ԵՍ ՄԽԻԹԱՐ, ՆՈՐԱՏՎԱՅ ԴԵՄԵԹԱՐՍ ՈՐ ԿԱՍԱՎԻՑ ԵՎ ՕԳՆԱՎԱՍ ԵՂԵ ՎԱՐԴԱՊԵՏԻՆ ԵՎ ՇԻՆՈՒԹԵԱՆՆ ՍՈՒՐԲ ԼՈՒՍԱՎՈՐԻՉ ԵՎ ՆԱ ՍԱՀՄԱՆԵՑ ԻՆՉ Ի ՏԱՐԻՆ : Բ: ԺԱՍ ԶՍՈՒՐ ԽԱՅԻՆ ՏՈՆՆ ԿԱՍԱՐԻՉԶ ՀՐԱՄԱՆԱՑ ՄԵՐՈՑ ՕՐՀՆԻՆ ՀԱՍՏՈՒԾՈՅ»:

Ըստ Բարխուդարյանի՝ արձանագրությունը ժամանակակից է նախորդին եւ գրվել է 1220-ական թվականներին:

Եկեղեցու հյուսիսային պատի արեւմտյան մասի վերելում, քիվի տակ արտաքուստ արձանագրված է 7 տող. «ԵՍ ԽՈՅՏԱՆ ԴԵՄԵԹԱՐՍ ՆՈՐԱՏՎԱՅ ՕԳՆԱՎԱՍ ԵՂԵ ՍՈՒՐԲ ԳՐԻԳՈՐԻՍ ԸՆՉԻՉԶ ԻՍՈՒՑ ԵՎ ՎԱՐԴԱՊԵՏՍ ՍԱՀՄԱՆԵՑ ԻՆՉ Ի ՏԱՐԻՆ : Բ: ՕՐ Ի ԳՅՈՒՆ ԽԱՅԻՆ ՄԻՆՆ ԻՆՉ ԵՎ ՄԻՆՆ ԿԵՆԱՎՑԻՆ ԻՍ ԶՐԻՍՏՈՆԵՐԻՆ. ԿԱՍԱՐԻՉԶ ՀՐԱՄԱՆԱՑ ՄԵՐՈՑ ՕՐՀՆԻՆ ՀԱՍՏՈՒԾՈՅ»:

Ըստ Բարխուդարյանի՝ արձանագրության հստակ ժամանակը որոշվում է Խոյրանի մեկ այլ արձանագրությամբ, որը գտնվում է Նորատուսի գերեզմանատանը, խաչքարի վրա՝ թվագրված 1221 թվականով:

Եկեղեցու արեւմտյան պատի վերին մասում, քիվի տակ, արտաքուստ, սպիտակավուն երեսպատման քարի վրա, երկու խաչ եւ շուրջը արձանագրված. «ԱՍՏՈՒԾ ՈՐՈՐՄԻ ԿԱՐԱՊԵՏԻՆ...ԹՎ. :ՈԿԶ: /1217/ ԿԱՆԿԵՑԱՎ ՍՈՒՐԲ ԽԱՄԱՍ»:

Եկեղեցու հարավային պատի կենտրոնում, ներքուստ 8 տող. «ԹՎ :ՉՂԳ: /1344/ ՇԵՆՈՐՀՈՒԹՅՈՒՆ ԱՍՏՈՒԾՈՅ ԵՎ ՊԱՐՈՆՈՒԹԵԱՆ ԻՇԽԱՆԻՆ ՀԱՅՈՑ ԲՈՒՐԹԵԼԻՆ ԱՍՏՈՒԾԱՍՈՐ ԶԱՎԱՎԱՑ ՅՈՒՐ ԲԵՇԵՆԱՅ ԵՎ ԻՆԱՆԻԿԻՆ, ԵՍ ՄԵՐՈՒՑԵԱՍ ԾԱՐԱՅ ԱՍՏՈՒԾՈՅ ԱՎԱԳՍ, ՎԱՍՆ ԵՐԱՎՐ ԿԵՆԱՎԱՐՈՒԹԵԱՆ ՊԱՐՈՆԱՑ ՄԵՐՈՑ ԿԱՍԱՎԻՑ ԵՂԵ ՇԻՆՈՒԹԵԱՆ ԼԱՍ ԸՆՉԻՎԵ ԳՆԱԾ Ի ՆՈՐԱՏՎԱՅ ԶՐԱ ՎԵՐԱ :Ա: ԱԿՆ ԶԱՐԱՑԻ ՍՈՒՐԲ ԳՐԻԳՈՐ : ՄԻԱԲԱՆԶՍ ՍԱՀՄԱՆԵՑԻՆ Ի ՏԱՐԻՆ : Գ: ՊԱՍԱՐԱԳ ԻՆՉ, ԱՎԱԳ :Ե: ՇԱՐԱԹ ՕՐ. ԿԱՍԱՐԻՉԶ ՕՐՀՆԻՆ ՀԱՍՏՈՒԾՈՅ»:

Եկեղեցու հարավային պատի կենտրոնում, նախորդի անմիջական տակը պահպանվել է չավարտված արձանագրության 1 տող. «ՅԱՆՈՒՆ ԱՐԱՐԻՉԻՆ ԱՍՏՈՅ ԵՎ ՅԱՇԽԱՐՀԱՎԱՐՈՒԹԵԱՆ ՄԵՐ...»:

Եկեղեցու հարավային մույթի վրա, ներքուստ արձանագրված է 6 տող. « ԱՊԱՐԱԿԻՍ Մ... ՈՐ ՄԻԱԲԱՆԵՑԱ ՎԱՐԴԱՊԵՏԻՍ ԻՍ ԸՆՉԱԺԻ ԻՍՄԻ ՍԱՀՄԱՆԱՑԻՆ ԻՆՉ :Ա: ԺԱՍ Ի ՏՈՐՈՅ ՀԱՅՏՆՈՒԹԵԱՆ ԵՐԱՎԱՐՈՒՑԻՆ ԱՆԻԱՓԱՆ»:

Եկեղեցու հյուսիսային մույթի վրա, ներքուստ, մանր խաչերի գլխին արձանագրված է. «ԱՍՏՈՒԾ ՈՐՈՐՄԻ

ՍՈՒՐԲ ԽԱՄԱՍ ՏՈՐՈՅ ՀՈԳՈՒՆ ԱՄԵՆ»:

Եկեղեցու հարավային պատի վերին մասում ներքուստ ագուցված խաչքարի տակ արձանագրված է. «ՀԱՉԱՐԱՄԱՆ ԿԱՆԿԵՑԻ»:

Եկեղեցու հարավային պատի վերին մասում, արտաքուստ, մեծ արձանագրության տակ պահպանված է երկտողանի արձանագրություն. «ԵՍ ՍԱՐԳԻՍ ՈՐԴԻ ԴԻԼԻՃԱՆԻՆ ԵԿԻ ԴՈՒՆ ՍՈՒՐԲ ԼՈՒՍԱՎՈՐԻՉ, ՏԱՐԻՆ :Գ: ՊԱՍԱՐԱԳ ԿԱՍԱՐՈՂՔ ՕՐՀՆԻՆ Ի ԶՐԻՍՏՈՍ ԱՍՏՈՅ»:

Ըստ Բարխուդարյանի՝ այս Սարգսի տապանաքարը գտնվում է Գավառ քաղաքի գերեզմանատանը: Նա մահացել է 1502 թվականին:

Ինչպես տեսնում ենք, Նորատուսի Սուրբ Գրիգոր Լուսավորիչը, նույնիսկ փոքր չափերի մեջ, անչափ հարուստ է վիմագիր արձանագրություններով, ու քարեղեն այդ գրերը մնացել են անջինջ տեւական դարերի ընթացքում մեզ փոխանցելով անցյալի պատմությունը, լեզուն ու մշակույթը, իշխանների ու հոգեւորականների, քարագործների ու ճարտարապետների անունները: Այն մամն է նաեւ անխորտակ գրադարանի՝ գրված ամենատարբեր, ձեւավոր ու պատկերավոր ձեռագրերով:

Վիմագիր արձանագրություններ են պահպանված նաեւ Սուրբ Գրիգոր Լուսավորիչ եկեղեցու բակի գերեզմանոցում տեղադրված խաչքարերին: Արձանագրությունները վերծանել է Սուրեն Սաղունյանը՝ տալով նաեւ Աստվածաշնչյան մոտիվներով արված գեղեցիկ պատկերաբանդակների մեկնաբանություններ:

Ինչպես նշում է Սուրեն Սաղունյանը «Նորատուս» գրքում, Բարխուդարյանի «Դիվան հայ վիմագրության» աշխատության մեջ Նորատուսի Սուրբ Գրիգոր Լուսավորիչ եկեղեցու վիմագրություններից վերծանված ու հրատարակված 13 արձանագրություններին ինքն ավելացրել է եւս 23-ը, որոնք առկա են ինչպես եկեղեցու արտաքին կամ ներքին պատերին, այնպես էլ՝ բակի խաչքար-տապանաքարերին:

Եկեղեցու արեւմտյան պատին, ներքուստ, մուտքից ձախ, գեղագիր 1 տող է պահպանվել՝ 10-րդ դարի գիր համարվող «ՅՈՒՄԻԿ»:

Եկեղեցու արեւմտյան պատին, դրսից, հյուսիսային եզրի ստորին շարքի պարզ գծախաչերի արանքում պահպանվել է 1 տողանի արձանագրություն. «ՍՈՒՐԲ ԽԱՄԱՍ...»:

Եկեղեցու արեւմտյան պատին, որպես նախորդի շարունակություն, արձանագրված է 2 տող. «ՍՈՒՐԲ ԽԱՄԱՍ ԲԱՐԵԽՈՍ ՎԱԶԵԼԻՆ»: Գրվել է 15-16-րդ դարերի ընթացքում:

Եկեղեցու արեւմտյան պատի աջ թեւում, դրսից, պահպանված է 1 տողանի արձանագրություն. «ՍՈՒՐԲ ԽԱՄԱՍ ԲԱՐԵԽՈՍ ՄՀՂԱԻ ԱՀԱՐՈՆԻՆ, ԱՐԱՅՊԵԼԻՆ»:

Եկեղեցու մուտքի կամարից վերել, երեք քարերի վրա, դրսի կողմից արձանագրված է 13 տող: Այն վերաբերում է 1909 թվականի ընթացքում կատարված նորոգումներին:

Եկեղեցու բակի մահարձան-խաչքարերին արձանագրված են Հարութի, Եղմարի, Իգնատիոսի, Բարաթի, Մուսեի, Վարդան Աբեղայի, Ջահնխանի, Ոյհանիսի, Սիսիսթոս Կիրակոսի, Սիրգի, Տեր Գրիգորի, Գրիգոր քահանայի անունները: Խաչքարերը հիմնականում կերտված են 16-րդ դարում:

Վարդան Աբեղայի խաչքարը մշակված է հմտորեն: Խորանի գլխին հաչեցյալն է՝ ինքնատիպ կազմվածքով: Տիրուզ գլխին իջել է աղավաղված Սուրբ Հոգին, կողերին արեւն ու լուսինն են, թեւատակերին՝ ծնկաչոք Մարիամն ու Հովհաննեսը: Թեւերին նստած են բաղակտուց թռչուններ, իսկ խաչահանգույցի ռոմբայում Ադամի գլուխն է: Այս գեղաքանդակ խաչքարի կազմողի անունը նույնպես Վարդան է:

Մեկ այլ Վարդան Աբեղայի խաչքարի քիվի տակ պատկերված է Քրիստոսը բեղ-մորուքով, գահին բազմած, ավետարանիչներով ու հրեշտակներով շրջափակ, եզրակողերին, հասակով մեկ, շերտավոր երկար զգեստով Հովհաննեսն ու Մարիամը:

Սիսիսթոս Կիրակոսի խաչքարի քիվի տակ հասակով մեկ, առանց ծալքերի երկար զգեստով, երկար գոգնոցով, աջը վեր պարզած, ձախով Սուրբ Գիրքը կրծքին սեղմած Քրիստոսն է՝ ավետարանիչների խորհրդանշանների հարակցությամբ:

Գրիգոր քահանայի պատկանող խաչքարի գագաթը երկթեք-սրանկյունի է, խորանի գլխին պիղատոսյան խաչին գամված Տիրուզ ցահատակությունն է: Հիսուսը ծոպավոր թասակով է, բեղ-մորուքով, երկար, մինչեւ սրունքները հասնող շերտավոր գոգնոցով:

Նորատուսի Սուրբ Գրիգոր Լուսավորիչ եկեղեցին կամ նույն Դափուց վանքը համարվում է հայ ժողովրդի սրբալուստից ու ուխտավայրերից մեկը, ուր այցելում են ոչ միայն Նորատուսի կամ հարակից բնակավայրերի, այլ նաեւ Հայաստանի մայրաքաղաքի ու այլ մարզերի բնակիչները, աշխարհի տարբեր երկրներում ապրող հայ մարդիկ: Այցելուների մեջ մեծ թիվ են կազմում նաեւ օտարերկրյա զբոսաշրջիկները:

Նորատուսի Սուրբ Գրիգոր Լուսավորիչ եկեղեցին կամ նույն Դափուց վանքը հայ ժողովրդի արարող մտքի ու կառուցող ձեռքերի արգասիքն է, որն իր վրա կրում է Հայոց սուրբ, հավերժական գրեթե եւ ազգային մշակույթի ու արվեստի անջնջելի կնիքը:

Խոսրով Խլաթյան





Գեղարքունիքի մարզի Մարտունի համայնքի Ծովինար գյուղում 2018-2025 թվականների ընթացքում սուբվենցիոն եւ պետական այլ ծրագրերով իրականացվել է սոցիալ-տնտեսական եւ կենսական նշանակության 12 ծրագիր, որոնց ուղղությամբ կատարված ներդրումների ընդհանուր գումարը կազմում է 3 միլիարդ 685 միլիոն 591 հազար դրամ:

12 ծրագրերից 10-ը սուբվենցիոն են, որոնց իրականացման ուղղությամբ ծախսվել է 1 միլիարդ 594 միլիոն 405 հազար դրամ: Պետական երկու ծրագրերից մեկով, 456 միլիոն 186 հազար դրամ արժեքով, կառուցվել է 7600 մետր երկարության ոռոգման ջրատար ցանց, իսկ մյուսով, 1 միլիարդ 635 միլիոն դրամ արժեքով, այժմ հիմքից կառուցվում է Ծովինարի միջնակարգ դպրոցի շենքը:

Իրականացված ծրագրերի արդյունքում 2018-2025 թվականների ընթացքում Ծովինարում կառուցվել է 16163 մետր ոռոգման, 18243 մետր խմելու ջրատար ցանցեր, 26499 մետր արտաքին լուսավորության ցանց, Արցախյան պատերազմներում զոհվածների հուշահամալիր, 650 խորանարդ մետր ծա-

ԾՈՎԻՆԱՐ ԳՅՈՒՂՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ՆՇԱՆԱԿՈՒԹՅԱՆ 12 ԾՐԱԳԻՐ Է ԻՐԱԿԱՆԱՑՎԵԼ



վալով խմելու ջրի երկու ջրամբար, 300 մետր գազատար, հիմնանորոգվել ներհամայնքային նշանակության 28015 մետր ճանապարհ, մանկապարտեզի եւ

մշակույթի կենտրոնի շենքերը, սալարկվել է մշակույթի կենտրոնի դիմացի հրապարակը:

Ծովինարի մանկապարտեզը սուբվենցիոն ծրագրերի շրջանակներում հիմնանորոգվել է 2022-2023 թվականների ընթացքում եւ բացվել 2024 թվականի մայիսից: Այժմ մանկապարտեզում գործում է 3 խումբ, ուր հաճախում են նախադպրոցական տարիքի 90 երեխա:


Ծովինարի միջնակարգ դպրոցի նոր շենքի կառուցման աշխատանքները մեկնարկել են 2025 թվականի մարտ ամսից: Շինարարությունը նախատեսվում է ավարտի հասցնել 2027 թվականի սեպտեմբերին:

Սուբվենցիոն եւ պետական ծրագրերից բացի, 2024 թվականին Գեղարքունիք-Ֆրանսիայի Իգերի մարզ համագործակցության շրջանակներում, ֆրանսիական կողմի միջոցներով, հիմնանորոգվել եւ վերազինվել է Ծովինարի բուժամբուլատորիայի

շենքը:

«Գեղամա աշխարհ»

ՆԵՐՔԻՆ ԳԵՏԱՇԵՆՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ԵՎ ԿԵՆՍԱԿԱՆ ՆՇԱՆԱԿՈՒԹՅԱՆ 36 ԾՐԱԳԻՐ Է ԻՐԱԿԱՆԱՑՎԵԼ



Գեղարքունիքի մարզի Մարտունի համայնքի Ներքին Գետաշեն գյուղում սուբվենցիոն ու պետական այլ ծրագրերով սոցիալ-տնտեսական եւ կենսական նշանակության 36 ծրագիր է իրականացվել, որոնց ուղղությամբ կատարված կապիտալ ներդրումները կազմել են 6 միլիարդ 399 միլիոն 787 հազար դրամ:

Սուբվենցիոն ու համայնքային ծրագրերի ուղղությամբ կատարված կապիտալ ներդրումները կազմել են 2 միլիարդ 573 միլիոն 526 հազար դրամ, պետական ծրագրերի իրականացման ուղղված կապիտալ ներդրումները՝ 3 միլիարդ 538 միլիոն 515 հազար դրամ:

Իրականացված ծրագրերի շնորհիվ 2018-2025 թվականներին Ներքին Գետաշենում կառուցվել է 36133 մետր ոռոգման, 38186 մետր խմելու ջրատարներ, 30476 մետր արտաքին լուսավորության ցանց, 7739 մետր գազատար, ոռոգման ջրի 1 խորքային հոր, հիմնա-

նորոգվել միջհամայնքային ու ներհամայնքային նշանակության 23144 գծամետր ճանապարհ եւ գյուղի մշակույթի տան շենքը:

«300 դպրոց, 500 մանկապարտեզ» ծրագրի շրջանակներում 2019 թվականից ընթացքի մեջ է գտնվում Ներքին Գետաշենի թիվ 1 միջնակարգ դպրոցի նոր շենքի կառուցումը: 2018-2019 թվականներին Ներքին Գետաշենի թիվ 1 միջնակարգ դպրոցի տարրական մասնաշենքի կառուցման համար պետբյուջեից հատկացվել է 287 միլիոն դրամ: Շինարարական աշխատանքներն ավարտվել են 2020 թվականին: 2021 թվականից մեկնարկել են դպրոցի մյուս մասնաշենքերի կառուցման աշխատանքները՝ 1 միլիարդ 750 միլիոն դրամ պայմանագրային արժեքով:

Արդի չափորոշիչներին համապատասխանող դպրոցի շինարարությունը նախատեսվում է ավարտի հասցնել 2026 թվականի դեկտեմբերին:

«Գեղամա աշխարհ»

ՋՈՐԱԳՅՈՒՂՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ԵՎ ԿԵՆՍԱԿԱՆ ՆՇԱՆԱԿՈՒԹՅԱՆ 27 ԾՐԱԳԻՐ Է ԻՐԱԿԱՆԱՑՎԵԼ

Գեղարքունիքի մարզի Մարտունի համայնքի Ջորագյուղ գյուղում 2018-2025 թվականներին սուբվենցիոն ու պետական այլ ծրագրերով սոցիալ-տնտեսական եւ կենսական նշանակության 27 ծրագիր է իրականացվել, որոնց ուղղությամբ կատարված ընդհանուր ներդրումները կազմել են 1 միլիարդ 940 միլիոն 208 հազար դրամ:

Իրականացված ծրագրերի արդյունքում Ջորագյուղում կառուցվել է 36205 մետր խմելու, 5396 մետր ոռոգման ջրատարներ, 7790 մետր արտաքին լուսավորության ցանց, 1150 մետր գազատար, 1 կանոնիչ եւ հենապատ, մանկապարտեզի խաղահրապարակ, 200 խորանարդ մետր ծավալով օրվա կարգավորիչ ջրամբար, հիմնանորոգվել 6716 գծամետր ներհամայնքային նշանակության ճանապարհ, վերանորոգվել մշակույթի տունը: Վերանորոգման ու կապիտալ նորոգման ընթացքի մեջ են հիմնական դպրոցի եւ մանկապարտեզի շենքերի շինարարական աշխատանքները:

Իրականացված ծրագրերից 25-ը սուբվենցիոն են, որոնց ուղղությամբ կատարված ներդրումները կազ-



մել են 1 միլիարդ 345 միլիոն 208 հազար դրամ, իսկ երկուսը դեռ ընթացքի մեջ գտնվող պետական ծրագ-

րեր են 595 միլիոն դրամի ներդրմամբ, որոնց արդյունքում վերանորոգվում կամ կապիտալ նորոգման են ենթարկվում հիմնական դպրոցի եւ մանկապարտեզի շենքերը 33 Կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում:

Ջորագյուղի հիմնական դպրոցի շենքի վերանորոգման ծրագրի պայմանագրային արժեքը կազմում է 303 միլիոն դրամ: Շինարարական աշխատանքները մեկնարկել են 2025 թվականի օգոստոսից եւ ավարտի կհասցվեն 2026 թվականի մայիս ամսին:

Ջորագյուղի մանկապարտեզի կապիտալ նորոգման ծրագրի պայմանագրային արժեքը կազմում է 292 միլիոն դրամ: Շինարարական աշխատանքները մեկնարկել են 2026 թվականի հունվարից եւ կավարտվեն 130 աշխատանքային օրերի ընթացքում:

«Գեղամա աշխարհ»

ՄԵԾ ՄԱՍՐԻԿՈՒՄ ԸՆԹԱՆՈՒՄ ԵՆ ՄՇԱԿՈՒՅԹԻ ՏԱՆ ԿԱՌՈՒՑՄԱՆ ԱՇԽԱՏԱՆՔՆԵՐԸ

Գեղարքունիքի մարզի Վարդենիս համայնքի Մեծ Մասրիկ գյուղում 2026 թվականի մարտ ամսից վերսկսվել են ընթացում են մշակույթի տան նորակառույց շենքի շինարարական աշխատանքները:

Ինչպես տեղեկացրին Վարդենիսի համայնքապետարանի աշխատակազմից, Մեծ Մասրիկի մշակույթի տան նոր շենքի կառուցման աշխատանքները մեկնարկել են 2019 թվականից, 150 միլիոն դրամ պայմանագրային արժեքով, որի 45 տոկոսը եղել է ՀՀ կառավարության, 55 տոկոսը՝ Մեծ Մասրիկի համայնքապետարանի մասնաբաժինը: Ծրագիրն իրականացվել է 2 փուլով՝ ընդգրկելով 2019-2020 թվականները, սակայն այն մնացել է անավարտ՝ պայմանավորված 2020 թվականի Համավարակով ու Արցախյան 44-օրյա պատերազմով:

Մեծ Մասրիկի մշակույթի տան նոր շենքի կառուցման շինարարությունն ավարտելու նպատակով ծրագիրը ՀՀ կառավարության կողմից հաստատվել է 2025 թվականին, շինարարական նրջույթը հայտա-

րարվել նույն տարվա նոյեմբերին, իսկ շինաշխատանքների մեկնարկը տրվել է 2026 թվականի մարտին:

Շինարարության պայմանագրային արժեքը կազմում է 76 միլիոն դրամ, որի 45 տոկոսը հատկացնում է ՀՀ կառավարությունը, 55 տոկոսը՝ Վարդենիսի համայնքապետարանը:

Շինարարական աշխատանքներն իրականացնող «Ապիտակ Բազե» ՍՊԸ տնօրեն Վարդան Երանոսյանի տեղեկացմամբ՝ 2026 թվականի մայիսի 14-ի դրությամբ արդեն իրականացվել է աշխատանքների շուրջ 70 տոկոսը՝ տեղադրվել է շենքի տանիքը, ընթացում են ներքին հարդարման աշխատանքներ, ու առկա են բոլոր նախադրյալները շինարարությունն առաջիկա ամիսներին ամբողջությամբ ավարտի հասցնելու համար:

Ծրագրի իրականացման արդյունքում Մեծ Մասրիկ գյուղը կունենա արդի չափորոշիչներին համապատասխան մշակույթի տուն:



ՀԻՄՆԱՆՈՐՈՒՎՈՒՄ ԵՆ ԳԱՎԱՌ ՔԱՎԱՌ ԳԵՐԵԶՄԱՆՈՑԻ ՄՈՒՏՔԵՐԻ ՃԱՆԱՊԱՐՀՆԵՐԸ

Գեղարքունիքի մարզկենտրոն Գավառ քաղաքում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակում հիմնանորոգվում են Գավառ քաղաքի գերեզմանոցի՝ արեւելյան եւ արեւմտյան մուտքերն իրար կապող ճանապարհները:

Ինչպես տեղեկացրին Գավառի համայնքապետարանի աշխատակազմից, մուտքերի ճանապարհների հիմնանորոգմանը հաջորդելու են հիմնական ճանապարհին կապվող երկրորդական ճանապարհների նորոգման աշխատանքները:



Ծրագրի պայմանագրային արժեքը 66 միլիոն դրամ է, որի 50 տոկոսը հատկացնում է ՀՀ կառավարությունը, 50 տոկոսը՝ Գավառի համայնքապետարանը:

Այժմ միաժամանակ ընթանում են հողաքանդման, բիտումի շերտի տեղադրման եւ ասֆալտապատման աշխատանքները:

Հիմնանորոգումը նախատեսված է ավարտել մինչեւ մայիսի վերջ:

Շինարարական աշխատանքներն իրականացնում է «Գավառի ճՇՇ» ԲԲԸ-ն:

Ավարդ Մանուկյան



ՄԱՐՏՈՒՆՈՒ ԱՎԱԳ ԴՊՐՈՑԻ ՍԱՆԵՐԸ ԴԱՐՁԵԼ ԵՆ «ԱՐՇԵՍՏԱԿԱՆ ԲԱՆԱԿԱՆՈՒԹՅԱՆ ՄԵՐՈՒՆԻ» ԵՐԱԳՐԻ ԱՌԱՋԻՆ ՇՐՋԱՆԱՎԱՐՏՆԵՐԸ



աշխատել. ճիշտ գույն, ճիշտ տառատեսակ, ճիշտ դասավորություն, եւ այդ ամենը ձեռքով էի հավաքում:

Այժմ Canva AI-ով նախագծի պատահում են ստեղծում 10 րոպեում եւ նույնը սովորեցնում աշակերտներին, Gamma.app-ով ամբողջ սահիկաշար կառուցված, գունավոր, պրոֆեսիոնալ: Claude.ai-ն օգնում է գեղեցիկ ու ճիշտ շարադրված բովանդակություն ստանալ, իսկ ինֆոգրաֆիկայի համար կարճ, հստակ, տեսողականորեն ընկալելի տեքստ ունենալ: Ոչ թե ձեռագրված վրա են ժամեր ծախսում, այլ բովանդակության: Սա է տարբերությունը: Աշակերտների ներկայացումները, հակաժխտախոսային բուկլետները, Սեւան լճի մասին ինֆոգրաֆիկաները եւ էլի շատ աշխատանքներ ԱԲ-ի հետ ավելի արագ, ավելի գեղեցիկ են ստացվում:

2023-24 ուստարում մեր դպրոցը ընդգրկվեց ՀՀ կրթության, գիտության, մշակույթի եւ սպորտի նախարարության եւ Հայաստանի գիտության եւ տեխնոլոգիաների հիմնադրամի (FAST) համագործակցությամբ ներդրված «ԱԲ սերունդ» դպրոցական ծրագրում, եւ ես անցա բազմաթիվ վերապատրաստումներ, որոնց համար շնորհակալ եմ FAST հիմնադրամին: Եվ եթե ինձ հիմա հարցնեն, թե ինչպես է ԱԲ-ն փոխում կրթությունը, ես կպատասխանեմ, որ ԱԲ-ն կրթությունը փոխում է 3 հիմնական մակարդակով՝ ուսուցման անհատականացում, զնահատման/հետադարձ կապի արագացում եւ նախագծային-ստեղծագործական աշխատանքի ընդլայնում՝ ուսուցչի դերը դարձնելով ավելի շատ մենթորական ու ուղղորդող: Այս երեք տարիների ընթացքում ես իմ աշխատանքային ընկերների հետ բազմաթիվ հետաքրքիր եւ բովանդակալից նախագծեր իրականացրի, որոնց ընթացքում սովորողները կառուցեցին դիագրամներ ու գրաֆիկներ՝ Սեւանի ջրի մակարդակի, ջերմաստիճանի, արեւային էներգիայի տվյալների հիման վրա՝ կիրառելով իրենց Python իմացությունը եւ գրելով համապատասխան կոդեր՝ ստացան տեսողական արդյունք: Սովորողները Python-ի միջոցով կատարեցին վիճակագրական վերլուծություններ՝ աշակերտական հարցման տվյալների վրա: Հարցման ֆայլերը դասակարգեցին եւ բաց պատասխանները կատեգորիաների բաժանեցին: Ինչը նախկինում Excel-ում ժամերով էր արվում՝ Python-ում րոպեների հարց դարձավ: Եվ ԱԲ-ն ամեն քայլում մեր կողքին էր. բացատրում էր կոդը, ուղղում սխալները, առաջարկում ավելի լավ տարբերակ, այսինքն՝ ԱԲ-ն կիրառել ենք ուսուցման նպատակով:

Եվ վերջապես, ԱԲ սովորելով, սկսեցինք տարբեր հավելվածներ ստեղծել, իսկ ԱԲ-ի ավարտական նախագիծը ամենամեծ նվերն է մեր համայնքին: «Կարտոֆիլի հիվանդությունների ճանաչման» նախագծում ես ու իմ աշակերտները ԱԲ մոդել կառուցեցինք: Սովորողները եւս ուսուցման ժամանակը խառնեցինք իրենց շրջանավարտ, Մարտունու Ս. Աբրահամյանի անվան ավագ դպրոցի աշակերտներին: Եվ ԱԲ-ն ամեն քայլում մեր կողքին էր. բացատրում էր կոդը, ուղղում սխալները, առաջարկում ավելի լավ տարբերակ, այսինքն՝ ԱԲ-ն կիրառել ենք ուսուցման նպատակով:

Եվ վերջապես, ԱԲ սովորելով, սկսեցինք տարբեր հավելվածներ ստեղծել, իսկ ԱԲ-ի ավարտական նախագիծը ամենամեծ նվերն է մեր համայնքին: «Կարտոֆիլի հիվանդությունների ճանաչման» նախագծում ես ու իմ աշա-

կերտները ԱԲ մոդել կառուցեցինք: Սովորողները կիրառեցին մեքենայական ուսուցման իրենց գիտելիքները. կառուցեցին CNN մոդել, ուսուցանեցին եւ թեստավորեցին: Նախագծի արդյունքում ունեցանք հավելված, որը ճանաչում է կարտոֆիլի հիվանդությունը տերեւի նկարից եւ տրամադրում է համապատասխան խորհրդատվությունը: Ոգեւորությունը մեծ էր, եւ սովորողներին առաջարկեցինք իրենց աշխատանքը բաց կոդով տեղադրել Գիտհաբում: Այս աշխատանքից ոգեւորված՝ 11-րդ դասարանի աշակերտները սկսեցին իրենց նոր նախագիծը ստեղծելով՝ էներգախնայողության հաշվիչ: Նախագծի նպատակն էր ուսումնասիրել տնային տնտեսությունների էներգասպառումը եւ զնահատել, թե ինչ գործոններ են առավել ազդում դրա վրա՝ հիմնվելով հարցաթերթիկի տվյալների եւ Python ծրագրավորման միջոցով կատարված վերլուծության վրա: Արդյունքում ստացել են հավելված, որը հնարավորություն կտա ներմուծել կենցաղային սարքերը եւ դրանց օգտագործման ժամանակը եւ կվերադարձնի ծախսված գումարը: Այնուհետեւ հնարավորություն կտա ընտրել արեւային վահանակի հզորությունը, որ կգոյացնի սպառած էներգիայի համար վճարված գումարը: Նշենք, որ ԱԲ-ն տալիս է ուսուցիչներին ժամանակի խնայողություն շաբաթական 5.9 ժամվարչական բեռի կրճատում, ավտոմատացված զնահատում, դասավանդման որակի 69 տոկոս բարելավում, առաջադիմության վերլուծություն, տվյալաիեն որոշումներ, անհատականացված ուսուցում անմիջական հետադարձ կապով՝ վարկյանների ընթացքում 24/7 աջակցություն ցանկացած ժամանակ, մատչելիության բարելավում բոլորի համար, հաստատություններին՝ ռեսուրսների արդյունավետ օգտագործում, մասշտաբայնություն՝ ավելի շատ աշակերտներ, մրցակցային առավելություն:

Ամփոփելով այս ամենը, ասեմ, որ ԱԲ-ն ինձ տվեց... Երեխաների համար ազատ ժամանակ, ստեղծագործական նոր հնարավորություններ, վստահություն Python-ի նկատմամբ, ուսուցչի նոր դեր, ԱԲ մոդել կառուցելու կարողություն: Եվ ամենակարեւորը՝ ԱԲ-ն ինձ չփոխարինեց, չչնչեց ուսուցչի արժեքը, ընդհակառակը՝ ամրապնդեց այն, - նշեց Էլմիրա Խաչատրյանը:

Իր տպավորություններով մեզ հետ կիսվեց նաեւ ԱԲ հոսքի շրջանավարտ, Մարտունու Ս. Աբրահամյանի անվան ավագ դպրոցի աշակերտ Էլենա Վարդանյանը:

Երբ իմացա, որ մեր դպրոցում գործում է ԱԲ հոսք, ավելի շատ հետաքրքրությունից այնտեղ հայտնվեցի, քան գիտակցված ընտրությամբ: Բայց արդեն առաջին շաբաթներին հասկացա սա ուրիշ մի բան է: Սկսեցինք խորացված հանրահաշվից: Ֆունկցիաներ,



մատրիցներ, հավանականություններ, բայց ոչ որպես վերացական բանաձեւեր, այլ որպես գործիքներ, որոնք հետո իմաստ ձեռք բերեցին: Հետո եկավ Python-ը: Առաջին կոդի տողն ավելի երկար ժամանակ պահանջեց, քան ամբողջ դասը: Բայց ԱԲ-ն կողքիս էր. բացատրում էր, ուղղում, ցույց տալիս, թե ո՞ր սխալ էր, ուղղեցի: Հետո եկան ԱԲ-ի հիմունքները, մեքենայական ուսուցումը, ներդրողի ցանցերը: Ամեն թեմա նախորդի վրա էր կառուցվում, ամեն հմտություն հաջորդի հիմքն էր դառնում: Շաբաթներ անց ես արդեն հասկանում էի, թե ինչ է նշանակում մոդել ուսուցանել, ինչ է CNN-ը, ինչու է կարեւոր տվյալների բազմազանությունը: Ոչ թե անգիր, այլ հասկանալով, թե ինչու: Մեր նախագիծը իրական խնդիր լուծեց: Թիմով կառուցեցինք CNN մոդել, որը կարտոֆիլի տերեւի նկարից ճանաչում է հիվանդությունը: Հավաքեցինք պատկերներ, մշակեցինք տվյալները, ուսուցանեցինք մոդելը, թեստավորեցինք, ուղղեցինք, նորից թեստավորեցինք: Արդյունքում ստեղծեցինք հավելված. ֆերմերը տերեւի նկար է անում, հավելվածն ակնթարթորեն ճանաչում է հիվանդությունը եւ տրամադրում է խորհրդատվություն՝ ինչ անել, ինչով բուժել, ինչպես կանխել: Երբ ցույց տվեցի տանը, երկար մայեցին էկրանին, հետո ասացին. «Սա կիրառելի է»: Ճիշտ այդ պահին հասկացա ինձ հաջողվեց: Աշխատանքը բաց կոդով տեղադրեցինք GitHub-ում՝ որպեսզի ուրիշները նույնպես կարողանան օգտվել կամ շարունակել զարգացնել: Այսպես եկավ այն, ինչ չէի սպասում: Ավարտական նախագիծի հանձնելուց հետո ստացա FAST հիմնադրամի ավարտական դիպլոմ: Եվ հետո Ֆրանսիական համալսարանի ընդունելություն, առանց քննությունների: ԱԲ-ն ինձ տվեց այն, ինչ ոչ մի դասագիրք չէր կարող տալ: Տվեց հարց տալու համարձակություն. «Ինչ-չո՞ւ», «Ի՞նչ կլինե՞ր, եթե», «Ի՞նչ կարող ենք ստեղծել»: Տվեց սխալվելու հանդուրժողականություն. մոդելը կտրվում է, ուղղում ես, նորից ուսուցանում. սա ոչ թե ծախողում է, այլ մեթոդ: Տվեց թիմային աշխատանքի փորձ. մեր նախագծում ամեն ոք ուներ իր դերը, եւ ամեն ոք կարելու էր: Տվեց ճանապարհ. ոչ թե վկայական, ոչ թե զնահատական, այլ ապացույց, որ կարող եմ ստեղծել բան, որն աշխատում է եւ օգնում է իրական մարդկանց: ԱԲ-ն ինձ չփոխարինեց, չմտածեց իմ փոխարեն: Ընդհակառակը՝ ստիպեց ավելի շատ մտածել, ավելի խորը հարցեր տալ, ավելի իմաստալից ուսուցում ստանալ:

Ուսուցիչս կար, թիմս կար, ԱԲ-ն կար, եւ երբեք միասին, եւ ոչ ոք ավելորդ չէր: Ես ԱԲ հոսքի շրջանավարտ եմ: Ու հպարտ եմ դրանով. - ներկայացրեց Էլենա Վարդանյանը:

Խոսքով Խաչատրյան



ԳԵՂԱՐՔՈՒՆԻՔՈՒՄ «ՀՀ ՎԱՐՁԱՊԵՏԻ ՖՈՒՏԶԱԼԻ ԴՊՐՈՑԱԿԱՆ ԳԱՎԱԹ» ՄՐՑԱՇԱՐԻ ՄԱՐՁԱՅԻՆ ՓՈԽՈՒՄ ՀԱՂԹԵԼ Է ՄԱՐՏՈՒՆՈՒ ԹԻՎ 1 ՀԻՄՆԱԿԱՆ ԴՊՐՈՑԻ ԹԻՄԸ

Գեղարքունիքի մարզում ավարտվել է «ՀՀ Վարչապետի ֆուտզալի դպրոցական գավաթ» մրցաշարի մարզային փուլը, որի արդյունքում հաղթող է ճանաչվել ու հանրապետական փուլի ուղեգիր նվաճել Մարտունու քաղաքի Մ. Մելիք-Շահումյանցի անվան թիվ 1 հիմնական դպրոցի թիմը:

Ինչպես տեղեկացրեց ՀՀ Գեղարքունիքի մարզի ներկայացուցիչ Կամո Մոսոյանը, մրցաշարն անցկացվել է Գավառ քաղաքի Գրիշա Ափրոյանի անվան

մարզադպրոցի մարզադահլիճում: Հանրապետական փուլի ուղեգիրը վիճարկել են մրցաշարի մարզային փուլի արգելքը հաղթահարած ճամբարակ համայնքի Թթուրի, Գավառ համայնքի Գեղարքունիք գյուղի, Սեւան համայնքի Լճաշեն գյուղի միջնակարգ եւ Մարտունու քաղաքի թիվ 1 հիմնական դպրոցների թիմերը: Որոշակի պատճառներով մրցավայր չի ժամանել Վարդենիս համայնքի Մեծ Մասրիկ գյուղի միջնակարգ դպրոցի թիմը, որը հաղթահարել էր մրցաշարի

արի համայնքային փուլի արգելքը: Չորս թիմերի միջեւ անցկացված մրցումներում «ՀՀ Վարչապետի ֆուտզալի դպրոցական գավաթ» մրցաշարի հանրապետական փուլի ուղեգիր է նվաճել Մարտունու Մ. Մելիք-Շահումյանցի անվան թիվ 1 հիմնական դպրոցի թիմը:

Մրցաշարի հանրապետական փուլը կկայանա մայրաքաղաք Երեւանում, մայիս ամսին:

«Գեղամա աշխարհ»

ՀՀ Ջրային կոմիտեի նախագահ Արամազդ Դալանքարյանն աշխատանքային այց է կատարել Գեղարքունիքի մարզ տեղում «Գեղարքունիք» ջրօգտագործողների ընկերության տնօրինության հետ քննարկելու մի շարք առաջնահերթ լուծում պահանջող հարցեր:

«Գեղարքունիք» ՋՕԸ գործադիր տնօրեն Արտաշ Սարգսյանի տեղեկացմամբ՝ հրավիրվել է խորհրդակցություն ՋՕԸ աշխատակիցների մասնակցությամբ: Այնուհետ ՋՕԸ գործադիր տնօրենի ուղեկցությամբ ՀՀ Ջրային կոմիտեի նախագահն ու տեղակալ Կարեն Դադբաշյանն այցելել են «Գեղարքունիք» ՋՕԸ-ի սպասարկման տա-

ՀՀ ՋՐԱՅԻՆ ԿՈՄԻՏԵԻ ՆԱԽԱԳԱՀ ԱՐԱՄԱԶԴ ԴԱԼԱՆՔԱՐՅԱՆՆ ԱՇԽԱՏԱՆՔԱՅԻՆ ԱՅՑՈՎ ԵՂԵԼ Է «ԳԵՂԱՐՔՈՒՆԻՔ» ՋՕԸ-ՈՒՄ



րածքներ, որտեղ նրանք ծանոթացել են ոռոգման հերթական շրջանի նախապատրաստական աշխատանքներին և հիդրոտեխնիկական կառույցների ընթացիկ վիճակին Մարտունու, Աստղածորի, Ջուլաքարի և Ծովհնարի պոմպակայաններում:

կատարվել նաև Աստղածորի ապագա ջրամբարի թասի տարածքում: ՋՕԸ գործադիր տնօրենի ներկայացմամբ՝ նախատեսվող ջրամբարի կառուցման ու շահագործման դեպքում զգալիորեն կթեթևանա Սեւանա լճից սնվող մի շարք պոմպակայանների ծանրաբեռնվածությունը, կխնայվի որոշակի քանակի էլեկտրաէներգիա:

Այցելությունը եզրափակվել է Ծովհնար բնակավայրում, որտեղ ՀՀ Ջրային կոմիտեի ղեկավարն ու տեղակալը «Արփա-Սեւան» թիվ 2 թունելի ելքամասում դիտարկել են ջրանցքով Սեւանա լիճ տեղափոխվող ջրի ընթացքը և ջրաչափական դիտակետը:

«Գեղամա աշխարհ»

Այցելություն է

ՎԱՐԴԵՆԻՍՈՒՄ ՆՇՎԵԼ Է ԱՎԱՆՆԵՐԻ ՎՏԱՆԳԻ ԻՐԱԶԵԿՄԱՆ ԵՎ ՀԱԿԱԱԿԱՆԱՅԻՆ ԳՈՐԾՈՒՆԵՈՒԹՅԱՆ ՄԻՋԱԶԳԱՅԻՆ ՕՐԸ

Գեղարքունիքի մարզի Վարդենիս քաղաքում Հայկական Կարմիր խաչի ընկերության Աղետների կառավարման բաժնի կողմից, Ռազմական զինամթերքով աղտոտվածության ծրագրի շրջանակում, կազմակերպվել է միջոցառում նվիրված ՄԱԿ-ի կողմից նշվող Ականների վտանգի իրազեկման և հակաա-կանային գործունեության միջազգային օրվան:


Ինչպես տեղեկացրին Վարդենիսի համայնքապետարանի աշխատակազմից, միջոցառման նպատակն էր՝ բարձրացնել հանրության իրազեկվածությունը ականների և պայթյունավտանգ զինամթերքի վտանգի վերաբերյալ, խթանել անվտանգ վարքագծի գիտելիքների տարածումը, ընդգծել հակաա-կանային գործունեության կարելիությունը և հարգանքի տուրք մատուցել ականներից տուժած անձանց՝ նրանց պատմությունների միջոցով ամրապնդելով հանրային պատասխանատվության գոյացումը:

Միջոցառմանը մասնակցել են Վարդենիսի համայնքապետարանի աշխատակիցներ, ականներով վտանգված բնակավայրերի վարչական ղեկավարները, հանրակրթական և արտադպրոցական հաստատությունների տնօրենները և ուսուցիչները, փրկարար ծառայության աշխատակիցները, ինչպես նաև համայնքային և կրթական ոլորտի այլ ներկայացուցիչներ:

Միջոցառումը բացել է ՀԿԽԸ Ռազմական զինամթերքով աղտոտվածության ծրագրի համակարգող Գայանե Սիմոնյանը, ով ներկաներին ներկայացրել է



օրվա խորհուրդը, խոսել աշխարհում և Հայաստանում ականների և պայթյունավտանգ զինամթերքի վտանգի մասին՝ ընդգծելով շարունակական իրազեկման ու կանխարգելման կարևորությունը: Նա նաև ներկայացրել է առաջիկայում մեկնարկող «Ռիսկերի իրազեկում և անվտանգ վարքագիծ ծրագիրը», որի նպատակն է դպրոցներում և համայնքներում իրականացնել միջոցառումներ, որոնք կնպաստեն բնակչության պատրաստվածության և դի-



մակայությունում բարձրացմանը: Գայանե Սիմոնյանը ներկայացրել է ծրագրում ներգրավված կա-մավորներին՝ կարելիություն նրանց դերը համայնքներում գիտելիքի փոխանցման և անվտանգու-թյան մշակույթի ձեռավորման գործում:

Ողջույնի խոսքով հանդես է եկել համայնքի ղեկավարի խորհրդական Խաթակն Մկրտչյանը, ով կարելիություն է ստացել միջոցառումների անցկացումը՝ որպես համայնքային անվտանգության մշակույթի ձեռավորման կարևոր բաղադրիչ:

Տպավորիչ ելույթով հանդես է եկել նախկին զինվորական, ականից տուժած Ռուբեն Փարսադանյանը, ով պատմել է իր կյանքի դժվարությունների, հաղթահարված մարտահրավերների և ձեռքբերումների մասին՝ միաժամանակ ներկանե-րին փոխանցելով անվտանգ վարքագծի կարևոր ուղեբեմեր:

Միջոցառման ընթացքում ցուցադրվել են նաև վավերագրական կարճամետրաժ ֆիլմեր ական-ներից և պայթյունավտանգ զինամթերքից տու-ժած անձանց մասին, որոնք եւս մեկ անգամ ընդգծել են իրազեկման և մարդասիրական արձագանքի կարելիությունը:

Միջոցառման երկրորդ հատվածում Վարդենիս քաղաքի թիվ 1 մանկական երաժշտական դպրոցի սա-ները հանդես են եկել երաժշտական կատարումնե-րով:

«Գեղամա աշխարհ»

ԳԱՎԱՌԻ ԿԵՆՏՐՈՆԱԿԱՆ ՀՐԱՊԱՐԱԿՈՒՄ ԸՆԹԱՆՈՒՄ ԵՆ ԲԱՐԵԿԱՐԳ-ՄԱՆ ԵՎ ԱՌԿԱ ՀԱՄԱԿԱՐԳԵՐԻ ԱՐԴԻԱԿԱՆԱՅՄԱՆ ԱՇԽԱՏԱՆՔՆԵՐ



Վերջին շաբաթվա ընթացքում Գավառի կենտրոնական հրապարակում բարեկարգման և առկա համակարգերի արդիականացման ակտիվ աշխատանքներ են ընթա-նում:

Ներդրվում է ոռոգման ավտոմատ համակարգ՝ ժամանակակից լուծումներով, արդիականացվում է էլեկտրամատակարարման ցանցը: Վերջիններիս գործող համակարգե-րը տարիների ընթացքում ենթարկ-

տեսված է ավարտել մինչ մայիսի վերջ: Թվարկված աշխատանքների իրականացման համար Գավառ հա-մայնքի 2026 թվականի բյուջեից հատկացվելու է 28 միլիոն դրամ:

Աշխատանքների ավարտից հետո կգործարկվեն նաև շատրվանները, և Գավառի կենտրոնական հրապարակը այցելուներին կներկայա-նա իր ողջ շքեղությամբ:

Ավարդ Մանուկյան

ԳԱՎԱՌԻ ԲԱՂԱՔՈՒՄ ՀԻՄՆԱՆՈՐՈՎԵԼ Է ԲԱԶՄԱՐԱԿԱՐԱՆ 5 ՇԵՆՔԻ ՏԱՆԻՔ ԵՎ ՄՈՒՏՔԵՐ

Գավառ քաղաքում ՀՀ կառավա-րության կողմից 2025 թվականին իրականացվող սուբվենցիոն ծրագրերի շրջանակներում հիմ-նանորոգվել է բազմաբնակարան 5 շենքի տանիք և մուտքեր, 6 շենքե-րում էլ անցկացվել է արտաքին լու-սավորության ցանց, եւս երկու շեն-քերում նորոգվել են պատշգամբ-ները:

Սուբվենցիոն ծրագրի շրջանակ-ներում 2025 թվականի սեպտեմբե-րից մինչ 2026 թվականի ապրիլի 30-ն ընկած ժամանակահատվա-ծում Գավառ քաղաքի Արամայիս Ոսկանյան 6, Արամայիս Ոսկանյան 11, Ազատության 1 նրբանցք 1 փա-կուղի թիվ 2, Ազատության փողոց թիվ 14 և Մովսիսյան փողոց թիվ 1 բազ-մաբնակարան բնակելի շենքերում իրա-կանացվել է մուտքերի և տանիքների հիմ-նանորոգում: Տանիքների հիմնանորոգ-ման մակերեսը կազմել է 3900 քառակուսի մետր:

Արտաքին լուսավորության ցանց է անց-կացվել Գավառ քաղաքի Ազատության 2-րդ փողոց 2-րդ փակուղի թիվ 4, Ազատու-թյան 2-րդ փողոց թիվ 2 և Ազատության փողոց թիվ 14, Ազատության 2-րդ փակու-ղի թիվ 4 բազմաբնակարան բնակելի շեն-



քերում և Ազատության փողոցի հենապա-տի երկայնքով, շուրջ 320 գծամետր երկա-րությամբ:

Նույն ծրագրի շրջանակներում նորոգվել են Գավառ քաղաքի Ազատության փողոցի թիվ 13 և 14 բազմաբնակարան բնակելի շենքերի պատշգամբները:

Ծրագրի ընդհանուր արժեքը կազմում է 163 միլիոն 342 հազար դրամ, որի 50 տո-կոսը հատկացրել է ՀՀ կառավարությունը, 50 տոկոսը՝ Գավառի համայնքապետարա-նը:

Ավարդ Մանուկյան

ԳԱՎԱՌԻ ԲԱՂԱՔՈՒՄ ԸՆԹԱՆՈՒՄ ԵՆ ԶԱՆԱՊԱՐՀԱՇԽԱԿԱՆ ԱՇԽԱՏԱՆՔՆԵՐ

Գեղարքունիքի մարզկենտրոն Գավառ քաղաքում ՀՀ կառավարության կողմից 2025 թվականին իրա-կանացվող սուբվենցիոն ծրագրերի շրջանակներում շարունակվում են ճանապարհաշինական աշխա-տանքները Միքայելյան փողոցում, ավարտական փուլում են գտնվում 5 փողոցների հիմնանորոգման աշխատանքները:

Գավառ քաղաքի Միքայելյան փողոցի հիմնանո-րոգման աշխատանքները մեկնարկել են 2025 թվա-կանի ապրիլից և իրականացվել երկու փուլով: 2025 թվականին իրականացվել է աշխատանքների շուրջ 50 տոկոսը: Միքայելյան փողոցի հիմնանորոգ-ման ծրագրի պայմանագրային արժեքը կազմում է 435 միլիոն դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Գավառի համայն-քապետարանը: Ծրագրով նախատեսվում է Միքա-յելյան փողոցի և նույն փողոցի վրա գտնվող թիվ 16, 18, 20 բազմաբնակարան բնակելի շենքերի բա-կերի ասֆալտապատում 1,5 կիլոմետր երկարու-



թյամբ, 14 հազար քառակուսի մակերեսով և մայթե-րի ու ջրահեռացման ներքին համակարգի կառու-ցում: Աշխատանքներն ընդհատվել են 2025 թվակա-

նի վերջերին, եղանակային պայմաններից ել-նելով, ու վերսկսվել 2026 թվականի ապրիլից: 2026 թվականի մայիսի 8-ի դրությամբ ծրա-գիրն իրականացված է շուրջ 80 տոկոսով:

2025 թվականի սուբվենցիոն ծրագրերի շր-ջանակներում ավարտական փուլում են գտն-վում Գավառ քաղաքի Իսահակյան փողոցի, Իսահակյան փողոցի 1-ին և 2-րդ նրբանցքե-րի, Սայադյան փողոցի 2-րդ նրբանցքի, Կոլո-տի Հայրապետ, Ջորավար Անդրանիկ փողոց-ների հիմնանորոգման աշխատանքները: Ծրագրի պայմանագրային արժեքը կազմել է 63 միլիոն 733 հազար դրամ, որի 50 տոկոսը հատկացրել է ՀՀ կառավարությունը, 50 տոկո-սը՝ Գավառի համայնքապետարանը: Շինարա-րական աշխատանքները մեկնարկել են 2025 թվականի սեպտեմբերից և ավարտվել 2026 թվականի ապրիլի վերջին:

Ավարդ Մանուկյան

**ՀԱՅԿԱԿԱՆ ԸՆՏԱՆԻՔԻ ԸՆԴՀԱՆՈՒՐ ՆԿԱՐԱԳԻՐԸ
ՀՐԱՆՏ ՄԱԹԵՎՈՍՅԱՆԻ ՍՏԵՂԾԱԳՈՐԾՈՒԹՅԱՆ ՄԵԶ**

/սկիզբը՝ նախորդ համարներում/

Այս տեմանակյունից հաստատուն չէ նաեւ ռուսական միջավայրը, ուստի, Անտոնիոնիի ֆիլմը չհավանելուց հետո բնական է, որ Արմենակ Մնացականյանը մեծ ջանքեր պետք է գործադրեր Զուսեւին բացատրելու, որ թռչունների երամը բաղկացած է բազմաթիվ թռչուններից եւ, որ միայնակ թռչել եւ եգիպտոս հասնելու ամեն թռչնի մենաշողորհը չէ: «Երամը մի մարմին է, այդ մարմինն ունի եգիպտոսը գտնելու բնագիրը»: Յետեւաբար, եթե կինոդէկավարությունն էլ, ինչպէս Իվան Սիխայլովիչը, Մնացականյանի սցենարը անվաներ «գյուղական խորիմաստ ապուշություն» եւ շարունակ համոզեր՝ փոփոխել այն, միեւնոյն է, Մնացականյանը չէր ցանկանալու զենալ այդ քայլին: Նա շտկումներ չէր անելու՝ եթե անգամ իրեն հեռացնելու լինեին: Նրա սցենարը վիճելի էր այն պարզ ճշմարտության համար, որ հանդես էր գալիս հայկական ջարդերի դէմ: Նա ընդունակ չէր ըմբռնելու իր առջեւ ծառացած՝ «մեր ջարդերի դէմ չգրենք» տխուր փաստը, իսկ գերմանական ֆաշիզմի դէմ գրելու ռուսական շովինիստական շրջանակների համար անհրաժեշտություն էր եւ այն էր դուրս գալիս, որ «...Պանթուրքիզմի հարցը միայն տեղական մացիոնալիզմի հարց էր կամ կարողացավ միայն տեղական դրսեւորուն ունենալ, ֆաշիզմն այնինչ, ահա-ահա դառնում էր համաշխարհային ժամտախտ»: Եղբայրական եւ տիրական Ռուսաստանում Արմենակ Մնացականյանը դէմ առ դէմ պայքարի մեջ է մտել մեկի հետ, ով ֆաշիզմի դէմ գրելն առավել կարեւոր է համարում, քան պանթուրքական երախն ընկած, աշխարհի ուշադրությանը կարոտ հայազգի երկու միլիոնի հասնող գոհերի: Այդ մեկը ենթադրում է, որ հանդիսականը չի հասկանալու խոսքն ինչ հիմարության եւ ինչ գոհի մասին է: Միակ ճշմարիտ խոսքը, որ դուրս է գալիս Սիխայլովիչի բերանից, այն է, որ սովետական բանակին մեկ ու կես միլիոնից երեք հարյուր հազարանոց զորք տված ազգը, եթե ժամանակին այդպիսի բանակ ունենար՝ Քեննեդի դժվարությամբ, բայց կհաղթեր: Եթե Մնացականյանի համար գրել ազգային ողբերգության մասին նշանակալի է գրել խղճի, վերաբերունքի սեփական անձի մասին, ապա Սիխայլովիչի համար էլ՝ գրել ֆաշիզմի դէմ նշանակալում է կարողանալ կինոն աշխարհի մեջ տեսնել: Անհույս զործ էր կարծելը, թե նրա նման մի զարդ երբեք է կհասկանար, որ նման մի հարց Մնացականյանի համար այնքան կարեւոր եւ սովորական է, այնքան հարազատ եւ անձնական է, եւ օրհասական է, որքան, օրինակ, ինքնաճանաչողության ճանապարհով գնալու եւ ուրիշին սեփական անձը ճանաչելու

դարձնելը: «Կողմերի դիրքորոշումը որոշ առումով փոխբացառող է, որքան Մնացականյանի համար անընդունելի են միջավայրի բարոյական ընթրումները եւ դրանց ուղղակի դրսևորումները, միջավայրին նույնքան խորք է հերոսի ներքին ուղղվածությունը, բարոյական կողմնորոշումը», -գրում է Ս. Փանոսյանը: Հիպակի ընթացքը որքան ենթադրում, այնքան ավելի ու ավելի է մատնանշում ժաննայի ու Մարչելոյի պես անկման ջրափոսի մեջ հայտնված, արտաքին աշխարհի եւ Մնացականյանի բնության ունեցող անհատների հաեելի հեռավորությունն ու զանազանությունը:

Կինոյի ասպիրանտ Եվան ազգությամբ ռուս է եւ Նիցշե է կարդում, հայագգի Մնացականյանը Ռուսմանյան։ Այս հանգամանքը, որքան պարզ, նույնքան էլ բարդ է իր ներքին ակնարկներով։ Մնացականյանն ուղիով նշանակետին է դիպչում ներկայաժամով ազգային բանաստեղծի, հասարակական գործչի միջոցով, մինչդեռ զուլցակցի հայացքը, թեւ միջազգային ոլորտներում է, սակայն ազգայինի, սեփականի գիտակցությամբ չի առանձնանում։ Բնական է, որ նման արժանավարի մարդիկ չէին հասկանալու Մնացականյանի թեմատիկ ընտրությունը՝ կեղեմ եւ ոչ թե ֆաշիզմ։ Եվան նույնպես վատ է հասկանում իր հայագգի ծանոթի հայացքներն ու ստեղծագործական գաղափարները։ Նա դժվարանում է ըմբռնել նաեւ վերջինիս համեստությունը։ Այդ է պատճառը, որ խորհուրդ է տալիս նրան դասերից հետո անելիքները հանրակացարանից հեռու դրոճել, մինչդեռ Մնացականյանը մախրնաբան է հանրակացարանի ներսում, իր գործերի հետ լինել։ Մնացականյանն ընդունակ է հեռահար հայացքով գնահատելու իրեն շրջապատող աշխարհը, որն ընդունակ չէ խորքում տեսնելու եւ ըմբռնելու իր հետաքրքրությունները, որոնք հասարակ բաներ չեն։ «Ինչը քեզ համար թանկ էր էժանացնում, հասարակացնում, ծամածծամոն են դարձնում»։

Մաթեոսյանի հերոսը չի կարող ընկերներ ունենալ մի միջավայրում, որտեղ ապրողների գիտակցությանը խորթ է պարզ, մարդկային վաղաքահօր, որտեղ, եթե մարդը չի աշխատել ամաչում է հացը կիսելուց, եթե իրեն հայտնի մտքերի հեղինակն ինքը չէ դրանք իր անունից չի հայտնում, այլ անորոշ անձանց, եթե ակտիվորեն հանդես չի եկել աշխատանքի ու ընկերության մեջ իրեն արժանի չի համարում «կնոջ ծոցը մտնել»։ Մնացականյանն իր հերթին չի կարող հասկանալ այս որակների հակադիր դրսեւորումներով արաջնորդվողներին ու աշխատողներին, հաշիշամուլներին չու խժռողներին, դանակի սպառնալիքով



Կնոջից պարգել պահանջողներին:

Մնացականյանի կինը Հասմիկը եւ սիրելի երեխաները հերոսի հիշողութեան մէջ են, սակայն իր հեռավորութիւնից նա ոչինչ չի արել ընտանիքի համար, եթէ չասենք, որ կնոջն հասցեագրված հեռագրով հարյուր ռուբլի գումար է խնդրել: Այդուհանդերձ, երկու կողմերն էլ իրենց ընթացքի մէջ խաղաղ են, որովհետեւ զնացողը գործով է զնացել, գործով է զբաղվելու վերադառնա, իսկ մնացողներն աշխատելու են, որպէսզի հոգան եւ՝ իրենց հոգներ, եւ՝ հեռավոր Մոսկվա հասած հարազատի հոգները: Մնացականյանը լավ գիտի, որ իր ու ծմակուտի միջեւ հետաքրքրութեան կապեր կան, իր ու ծմակուտի իր հարազատների միջեւ սիրո եւ կարոտի բազում առիթներ, իր ու հարազատների կապը մեկ բառով կոչվում է ընտանիք, արտաքին աշխարհում ոչ որ ավելի լավ չի կարող հասկանալ այդ բառի իմաստը, քան ինքը: «Իմ երեխաների մայրը սիրուն բառերով նամակ չի ուղարկել ինձ ծանրոց է ուղարկել, տղայիս համար բոլոր հագուստ չի առել ինձ համար ապխտել, ապխտած սուկի է ուղարկել, խշխշան ընկույզ է հուրհիւրան կոնյակ, այդ ապուխտը անցած աշնան ամբողջ փափուկ արեւը, փշալուի բուրունով ներծծված արեւը, արարատյան պրպեղի կատաղութիւնը, նախճավանյան հազարամյա արեւի համը հավաքել էր իմ մէջ...»:

Վիպալակի հերոսի մտահոորիզոնը արտաքին աշխարհին անճանոթ, տիեզերական ուրիշ տարածություններ ունի իր մեջ: Նրա մտապատկերում օրորողի որդյու անատամ ժպիտն է, մանկատան սակ սիրառատ դատեր մեծահոգիություն, որը թաթերի վրա դուրս է գնում սենյակից, որպեսզի եղբայրը քնի, եւ «ընտանիքի այդ դաշինքը ժպիտով գտնորդանում է Հասմիկը»: Նրա «ես»-ը համառ է:

Մաքեւոյանը մեր կողմից նկատված պարզորոշ օրինակներով մերժում է Արեւմտյան կապիտալի աշխարհը, այնտեղ օրեցօր խորտակվող մարդկային հարաբերությունները եւ ժամանա-

ՍԵԿԱՆՑԻ ՄԱՐԶԻԿՆԵՐԸ ՓԱՅՆՈՒՆ ԱՐԴՅՈՒՆՔՆԵՐՆ ԵՆ ՑՈՒՅՑ ՏՎԵԼ ՀՈՒՆԱՍՏԱՆՈՒՄ
ԿԱՅԱՅԱԾ Կ-1 ԵՎ ՔԻՔՈՒՔՍԻՆԳԻ ԱՇԽԱՐՀԻ ՔԱՅ ԱՌԱՋՆՈՒԹՅՈՒՆՆԵՐՈՒՄ



Գեղարքունիքի մարզի Սեւան համայնքի մարզիկները փայլուն արդյունքներ են ապահովել Հունաստանում կայացած K-1 եւ քիքբոքինգի աշխարհի բաց առաջնություններում:

Մայիսի 8-13-ը Հունաստանի Սերբս քաղաքում անցկացվել են K-1 եւ քիթ-բոլսիճիդի աշխարհի բաց առաջնություններ, որտեղ հիմնալի է հանդես եկել Սեւանի K-1 էդգար մարզասրահի ֆեդերացիայի եւ Սեւանի Նորիկ Դաճարյանի անվան մարզադպրոցի չորս մարզիկից բաղկացած թիմը:

Նպատակապես մարզումների շնորհիվ չորս մարզիկն էլ դարձել են աշխարհի չեմպիոններ, իսկ 13 մարզիկից բաղ-

Կացած Հայաստանի թիմը ընդհանուր հաշվարկում գրավել է առաջին հորիզոնականը:

Սեւանցի չեմպիոններն են Ռուզմիկի Շուշանյանը, Յովսեփ Ղարիբյանը, Լեւոն Խաչատրյանը, Վահե Խաչատրյանը, որոնք 330 երկիր ներկայացնող 2500 մասնակիցների մեջ փայլել են իրենց վարպետությամբ եւ պատրաստվածությամբ:

Ուղղմիկ Շուշանյանը K-1 բաժնում հաղթել է Հունաստանի մարզիկին, իսկ քիթբոքսինգի բաժնում նա նաեւ եզրափակչում հաղթել է Կիպրոսի մարզիկին:

Հովսեփ Ղարիբյանը K-1 դիվիզիոնում հաղթել է Ալբանիայի մարզիկին, իսկ քիբբոքսինգի դիվիզիոնի եզրափակչում նույն հաղթել է Կիպրոսի մարզիկին:

ն խաչատրյանը եզրափակչում
լ է Վրաստանի մարզիկին եւ դար-
մալիոն:

Ե խաչատրյանը եզրափակչում
Լ է Անգլիայի ներկայացուցչին եւ
Լ չենմպիոն:

Լ արդյունքները ոչ միայն տպա-
են, այլ նաեւ բոլորիս հպարտու-
ու ուրախություն պատճառով: Իսկ
մենը նպատակասլաց, ջանադիր
տանքի արդյունք է, որն իրակա-
ււ են մեր մարզիչները եւ մար-
րը:

ԳԱՎԱՌ. ՀԱՄԱՅՆՔԻ ՂԵԿԱՎԱՐՆ ԸՆԴՈՒՆԵԼ ԵՎ ՊԱՐԳԵՎԱՏՐԵԼ Է ՄԻՋԱԶ-ԳԱՅԻՆ ՄՐՅԱՇԱՐԵՐՈՒՄ ՀԱԶՈՂՈՒԹՅՈՒՆՆԵՐ ԳՐԱՆՅԱԾ ՄԱՐԶԻԿՆԵՐԻՆ



աճը, Գավառի Գրիշա Ափրոյանի անվան մարզադպրոցի Գանձակի տառապանքալից ստորաբաժանման Ալկիկենդր կարատեի մարզիկները 2025թվականի K1 Կովկասի առաջնությունում 1-ին եւ 2-րդ տեղեր զբաղեցրան։ Դավիթ Գաբրիլյանը, Նարեկ Բախրիսիանը, 2025 թվականի աշխարհի Քիջքսիդի առաջնություն 3-րդ մրցանակակիր Խաչիկ Ասատրյանը եւ Գավառի Գրիշա Ափրոյանի անվան մարզադպրոցի Գանձակի տարաբաժան ստորաբաժանման Ալկիկենդր կարատեի մարզիչ Արաքս Մարգարյանը։ Գավառի համայնքապետարանապարտի հարցերով պատասխանատու Նարեկ Մուրադյանը ներկայացնել է մարզիկների 2025թվական

ԳԵՂԱՄԱ 7

Կի մեջ տարրալուծվող ընտանիքների կադրապարը: Այսպիսի ընտանիքների տարրերն ի վերջո նմանվում են եգիպտոսը միայնակ փնտրող թռչնի: Հղի-նակը խոր ընդգծումներով բացահայտում է նաեւ ռուսական մեծապետական հայացքները փոքր ազգերի նկատմամբ:

Հայոց մեջ, հայկական ընտանիքում կինը մեծ առաքելություն ունի կատարելու: Մաթեոսյանական մայրը ամենից առաջ խոհեմության խորհրդակալն է: Նրանում մեկտեղված են համեստ, հնազանդ, կինը, սիրառատ ու ջերմ մայրը, հյուրընկալ, մարդասեր տանտիրուհին: Այս առաքելությունը հաջողությամբ իրականացնում է մանը: Իր խստությամբ եւ զգոնությամբ նա փորձում է իր միջավայրի զավակը դարձնել նաեւ հարսներին: Սակայն ազնվականությունը արմատական երեւոյթ է, այն չի ընդօրինակվում, այն փոխանցվում, փերարտադրվում է գենետիկորեն, հոգեմտավոր հիշողությամբ: Այս իմաստով Աղունը հավատարիմ է մնում իր արյանը, իր գեհին, իր տեսակին, որի մեջ խաղաղության պակաս է ագրեսիվության ավելցուկ կա, ներողամտության սակավություն եւ դիմադրության անընդհանուրություն կա: Աղունի գործնական բնույթի առաջ բոլոր հանգամանքները առ ոչինչ են դառնում: Կողմերից եւ ոչ մեկի համար հեշտ չի եղել, սակայն նաեւ ավանդական հայացքները լռելու կարողությունը, սեփական ցավի համար ինքնուրույն դարձան գտնելը, միջավայրին հարմարվելը, հանդուրժողականությունը, ծանր կյանքին բթեւ աջքով նայելը, նրան հաղթանակած են դուրս բերել կյանքի որոգայթներին:

«Ճառերի» հերոսուհին աղաղակող տեսակ է: Նրա մեջ երկմտել-կշռադատելու խոհեմություն չկա: Նա ամեն բանի լավն է ակնկալումն իր զավակի համար, սակայն նրան ուղղորդումն է անագնիվ ճանապարհով: Հերոսուհու խորհուրդները խիստ սուբյեկտիվ են: Դրանց իրականացումը կարող է բավարարել ամհատի պահանջները, բայց ոչ միջավայրի, մինչդեռ մարդը հասարակության մասնիկն է: Մյուս կողմից, հիշատակվող սկզբունքներով ապրող ամհատը իշխանը, կործանված, պարտաված մարդ է, ուստի նրան ընդօրինակելը պարզապես սխալ մոտեց է:

Վարդողի մարդկային որակները ավանդակաճության արտահայտություններ են խոհեմ կնոջ վարքուբարք ունեն իրենց մեջ: Փոխվել են մարդիկ, փոխվել են ժամանակները, սակայն առանձին անհատների մեջ անփոփոխ են մնացել այնպիսի սրբազան որակներ, որոնք ծառայեցվում են հոգուտ հանրային շահի:

ՌԻԼԳԱՆ ՎԱՐՊԱՆՅԱՆ

ձեռքբերումները եւ 2026-ի ծրագրերը:

Համայնքի ղեկավարը շնորհավորել է մարզիկներին եւ նրանց հաճճնել պատվոգրեր ու դրամական պարգեւներ:

Միշտ հպարտանում եմ Գավառ համայնքի մարզիկների հաջողություններով ու խրախուսում նրանց, ովքեր մեր համայնքի անունը հնչեցնում են միջազգային մրցասպարեզներում՝ բարձր պահելով նրա պատիվն ու հեղինակությունը: Հավատացած եմ, որ առաջիկայում էլ դուք կապահովեք բարձր արդյունքներ միջազգային հերթական մրցաշարերում, նշել է Գուրգեն Մարտիրոսյանը:

Ալվարո Մանուկյան

2026 թվականի մայիսի 13-ին Գեղարքունիքի մարզի Մարտունի համայնքի Ծովհնար գյուղին հարակից անտառային տարածքի 5 կիլոմետրանոց արահետային խճուղում կազմակերպվել է անցկացվել է «Հայաստանի Հանրապետության Վարչապետի գավաթ» դպրոցականների թիմային խճուղավազքի մրցումների մարզային փուլը:

Մրցումներն անցկացվել են թիմային մրցակարգով: Թիմի կազմում ընդգրկվել են նույն դպրոցի 7 աշակերտներ, այդ թվում՝ 2 աղջիկ եւ 5 տղա: Մրցապայքարն ավարտված է համարվել, եթե թիմի բոլոր անդամները հաղթահարել են 5 կիլոմետրանոց ճանապարհահատվածը, հակառակ դեպքում թիմի արդյունքները գրոյացվել է: Մարզային փուլին մասնակցության հայտ

ԳԵՂԱՐՔՈՒՆԻՔՈՒՄ «ՀՀ ՎԱՐՉԱՊԵՏԻ ԳԱՎԱԹ» ԴՊՐՈՑԱԿԱՆՆԵՐԻ ԽՃՈՒՂԱՎԱԶՔԻ ՄԱՐԶԱՅԻՆ ՓՈՒԼԻ ՀԱՂՈՂ Է ՀԱՆԱԶՎԵԼ ԾԱԿԲԱՐԻ ՄԻՋՆԱԿԱՐԳ ԴՊՐՈՑԻ ԹԻՄԸ



Են ներկայացրել մարզի 53 դպրոցական թիմեր՝ նախորդ տարվա 39-ի փո-

դպրոցի թիմը: Խճուղավազքի մասնակիցների անվ-

խաբեն: Թիմերի մեծ մասը կարողացել են ավարտել մրցապայքարը, ինչի արդյունքում առաջին տեղը գրավել է Ծակբարի միջնակարգ դպրոցի թիմը: Երկրորդ հորիզոնականում Վ ա դ ա շ ե ն ի միջնակարգ դպրոցի թիմն էր, իսկ երրորդ հորիզոնականում Թթուշրի միջնակարգ

տանգությունն ապահովել են Մարտունու համայնքային ոստիկանության աշխատակիցները, իսկ առաջին բուժօգնությունը Մարտունու շտապ օգնության ծառայության բուժանձնակազմը: 1-ին, 2-րդ, 3-րդ տեղեր գրաված թիմերին եւ թիմերի անդամներին ՀՀ կրթության, գիտության, մշակույթի եւ սպորտի նախարարության կողմից հանձնվել են հավաստագրեր:

Մարզային փուլի հաղթող ճանաչված Ծակբարի միջնակարգ դպրոցի թիմը ՀՀ Գեղարքունիքի մարզը կներկայացնի «ՀՀ Վարչապետի գավաթ» դպրոցականների թիմային խճուղավազքի եզրափակիչ փուլում, որը տեղի կունենա 2026 թվականի մայիսի 29-30-ին, Տավուշի մարզի Դիլիջան համայնքի Պարզ լիճ տանող ճանապարհատվածի եւ անտառային արահետների 5 կիլոմետրանոց հատվածում:

Գեղամ Չարվաղարյան

ՎԱՐՉԱՊԵՏԻ ԳԱՎԱԹՈՒՄ ԱՆՑԿԱՑՎԵՑ «ՀՀ ՎԱՐՉԱՊԵՏԻ ԳԱՎԱԹ» ՄԻՐՈՂԱԿԱՆ ԽՃՈՒՂԱՅԻՆ ՀԵԾԱՆՎԱՎԱԶՔԻ ՀԱՄԱՅՆՔԱՅԻՆ ՓՈՒԼԸ

Գեղարքունիքի մարզի Վարդենիս եւ Գավառ համայնքներում անցկացվել է «ՀՀ Վարչապետի գավաթ» սիրողական խճուղային հեծանվավազքի համայնքային փուլը:

Մրցաշարն անցկացվել է երկու տարիքային խմբերով, որին մասնակցել են Վարդենիս եւ Գավառ համայնքների հանրակրթական դպրոցների 7-9-րդ եւ 10-12-րդ դասարանների աշակերտներից կազմված հավաքական թիմերը՝ հաղթահարելով 25 կմ երկարությամբ խճուղային երթուղին:

Վարդենիսում մրցման մեկնարկը տրվել է Մեծ Մասրիկ բնակավայրից, իսկ ավարտը՝ Դարանակ բնակավայրի սկզբնամասում:

7-9-րդ դասարանների մրցապայքարում առաջին տեղը գրավել է Լուսակունքի միջնակարգ դպրոցի թիմը, 2-րդ տեղը՝ Լճավանի միջնակարգ դպրոցի թիմը, 3-րդ տեղը՝ Շատչրեքի միջնակարգ դպրոցի թիմը:

10-12-րդ դասարանների մրցապայքարում 1-ին տեղը գրավել է Լուսակունքի միջնակարգ դպրոցի թիմը, 2-րդ տեղը՝ Մեծ Մասրիկի միջնակարգ դպրոցի



թիմը, 3-րդ տեղը՝ Փոքր Մասրիկի միջնակարգ դպրոցի թիմը: Գավառ համայնքում մրցաշարի մեկնարկը տրվել է

սի 27-ին:

Գեղամ Չարվաղարյան

ՎԱՐՉԱՊԵՏԻ ԿՐԹԱՀԱՄԱԼԻՐԻ ԹԻՄԸ ՀԱՆԱԶՎԵԼ Է ՀՀ ԴՊՐՈՑԱԿԱՆՆԵՐԻ ԾԱԽՄԱՏԻ 20-ՐԴ ՕԼԻՄՊԻԱԴԱՅԻ ԳԵՂԱՐՔՈՒՆԻՔԻ ՄԱՐԶԱՅԻՆ ՓՈՒԼԻ ՀԱՂՈՂ

Գեղարքունիքի մարզի Մարտունի համայնքի Վարդենիկ գյուղի կրթահամալիրի թիմը ճանաչվել է ՀՀ դպրոցականների շախմատի 20-րդ օլիմպիադայի Գեղարքունիքի մարզային փուլի հաղթող:

Ինչպես տեղեկացրին Գեղարքունիքի մարզպետի աշխատակազմի ԿՄՍ վարչությունից, ՀՀ դպրոցականների շախմատի 20-րդ օլիմպիադան Գեղարքունիքի մարզում մեկնարկել է 2026 թվականի մարտ ամսից, որի ներդպրոցական փուլին մասնակցել են շուրջ 2600 պատանիներ ու աղջիկներ: Այս փուլում ձեւավորվել են դպրոցների հավաքական թիմերը, որոնք ապրիլի 25-ից մայիսի 8-ն ընկած ժամանակահատվածում մասնակցել են օլիմպիադայի Գավառի, Մարտունու, Սեւանի, Ճամբարակի եւ Վարդենիսի համայնքային փուլերին:

ՀՀ դպրոցականների շախմատի 20-րդ օլիմպիադայի Գեղարքունիքի մարզային փուլի մրցումներն անցկացվեցվել է 2026 թվականի մայիսի 13-ին Գավառի Պ. Դանդիլյանի անվան թիվ 2 միջնակարգ դպրոցում, որին մասնակցել են համայնքային փուլում հաղթող ճանաչված Գավառի թիվ 4, Ճամբարակի թիվ 2, Վարդենիսի թիվ 2, Սեւանի թիվ 3



հիմնական դպրոցների եւ Վարդենիկի կրթահամալիրի հավաքական թիմերը: Մրցաշարին մասնակցել են մինչեւ 14 տարեկան դպրոցականները: Օլիմպիադան անցկացվել է թիմային հաշվարկով, ընդ որում

թիմը բաղկացած է եղել տվյալ դպրոցի 4 աշակերտներից, որոնցից առնվազն 1-ը աղջիկ: Այն անցկացվել է Ֆիդե-ի արագ շախմատի կանոններով, շրջանաձեւ, որի ընթացքում խաղացողին տրվել է 10 րոպե մինչեւ խաղի ավարտը՝ յուրաքանչյուր քայլի համար 5 վայրկյան հավելումով: Մրցապայքարի արդյունքում հաղթող է ճանաչվել Վարդենիկի կրթահամալիրի հավաքական թիմը (մարզիչ՝ Սամվել Արզումանյան): Երկրորդ տեղը գրավել է Գավառի թիվ 4 հիմնական դպրոցի թիմը (մարզիչ՝ Արեւ Արաքսյանյան), իսկ երրորդ տեղը՝ Ճամբարակի Մ. Քոչարյանի անվան թիվ 2 հիմնական դպրոցը (մարզիչ՝ Սիմոն Սիմոնյան): Օլիմպիադայի մարզային փուլի մրցումներին մասնակցից բոլոր թիմերի շախմատիստներին եւ մարզիչներին Հայկական Բարեգործական Ընդհանուր Միության կողմից հանձնվել են հուշանվերներ:

Վարդենիկի կրթահամալիրի հավաքական թիմը մարզը կներկայացնի ՀՀ դպրոցականների շախմատի 20-րդ օլիմպիադայի եզրափակիչ փուլում:

Գեղամ Չարվաղարյան

ՇՈՂԱԿԱԹՈՒՄ ՀԻՄՆԱՆՈՐՈԳՎԵԼ Է ԳԵՐԵՋՄԱՆՈՑ ՏԱՆՈՂ ՀԱՆԱՊԱՐՀԸ

Գեղարքունիքի մարզի Ճամբարակ համայնքի Շողակաթ գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում ավարտական փուլում են գտնվում գերեզմանոց տանող ճանապարհի հիմնանորոգման աշխատանքները:

Ինչպես տեղեկացրին Ճամբարակի համայնքապետարանի աշխատակազմից, Շողակաթի գերեզմանոց տանող ճանապարհի հիմնանորոգման ծրագրի պայմանագրային արժեքը կազմում է 46 միլիոն 76 հազար դրամ, որի 40 տոկոսը հատկացրել է ՀՀ կառավարությունը, 60 տոկոսը՝ Ճամբարակի համայնքապետարանը:

Ծրագրով նախատեսված է Շողակաթի գերեզմանոց տանող ճանապարհի հիմնանորոգում՝ բետոնային սալարկմամբ, 320 մետր երկարությամբ եւ 2610 քառակուսի մետր մակերեսով:

Շինարարական աշխատանքները մեկնարկել են 2025 թվականի աշնանից եւ 2026 թվականի մայիսի 14-ի դրությամբ

արդեն ավարտված են: Ծրագրի շահառու են հանդիսանում Շողակաթ գյուղի բոլոր բնակիչները:

«Գեղամա աշխարհ»



Լրատվական գործունեություն իրականացնող «Գեղարքունիք» թերթի խմբագրություն» ՓԲԸ: Հասցեն՝ ք. Գավառ, Կենտրոնական հրապարակ 7
Էլ. հասցե՝ khosrov1@yandex.ru
Գլխավոր խմբագիր՝ Խոսրով Խլաթթյան
հեռ. բջջ. 094022692

Վկայական՝ 02 Ա 050560: Գրանցման համարը՝ 25.120.00834: Տրված 07.05.2001թ.: Տպաքանակը՝ 1000: Ծավալը՝ 2 մամուլ: Թողարկման օրը՝ 21. 05. 2026 թ.: Տպագրվում է «Սամարկ» ՍՊԸ տպարանում: «Գեղամա աշխարհ» թերթի բոլոր համարներին կարող եք ծանոթանալ <https://tert.nla.am> կայքում: